

ル 5
3252
6



門 几 5
號 3252
卷 6

昭和十七年
五月二十一日
購

廣東攷古輯要卷三十二

金石一

廣州府

至聖先師像碑

碑在廣州府學後圃番山燕居亭學吳道子筆也左有篆書
宣聖遺像四字右有八分書一段敘摹勒原委元至正五年
乙酉正月望日中奉大夫廣東道宣慰使都元帥僧家奴記
承直郎廣東道宣慰使司都元帥府經歷貢師謙篆額廣東
憲曹天台張謹書

宣聖充公小影碑

在燕居亭前元皇慶二年癸丑良月廣州路學重刊按顏子
唐贈充國公宋囚之元至順時始贈復聖公此碑尚在改贈

之前故仍充國之號碑下段勒重摹顏魯公書廟堂記
廣州府學宮圖碑

在 宣聖充公小影碑陰隸額下有記述修造工費一段天
順癸未胡拱辰書

宋淳熙增置廣州贍學田記

隸額陳德銘行楷書後半多泐阮志金石畧云記後半多泐

舉而告之則記爲時

舉撰但不知其姓耳

又有學田段畝步下項一碑皆州人没人官田號數淳熙十
一年正月日記此當與前碑同時立

宋嘉熙增修學廩記

文已不完前有嘉熙丁酉字後有廣州州學教授合沙劉漢
英撰文

廣州府學元碑

篆額詔文大德十一年七月日上天眷命皇帝聖旨云楷
帶篆法

明嘉靖御書程子四箴范香溪心箴

凡六碑動箴碑後跋云斯四箴者作之在於程頤以斯四箴
而致其君者乃吾輔臣張璪也云云嘉靖丁亥歲季冬越三
日注又一碑有張璪奏摹宸翰刻布凡三段後又有楊一清
謝遷張璪翟鑾題請將敬一箴重刻設於亭中並奉勅旨以
敬一名亭一段外又有敬一箴碑一通按此數碑諸郡皆有
摹刻惟廣州全存

杏壇碑

杏壇二篆字長各一尺許其陰篆額文凡上下二段賦在上

方八分書崑山衛塔甯深造下方一段賦跋也大略謂廣州府學明倫堂前大成殿後有巨石刻杏壇二字篆字元泰定間教授呂宏道立其書則范經缺二字仁也左都御史馬公昂於番山亭後闢地為壇重刻此石劉崑山衛甯深所作賦於石後鄭教授萬奎請書其事石下天順四年秋九月朔判廣州府前翰林院學士金城黃諫跋並書亦帶有隸古意

嘉靖重修廣州府儒學記

嘉靖二十四年壬寅十月南京國子監祭酒南海倫以訓撰文署掌南京翰林院事香山黃佐書丹

湛文簡大成樂記

嘉靖三十八年己未正月二十六日前南京兵部尚書國子監祭酒翰林侍讀學士同修國史九十四甘泉生增城湛若

祭器識

水撰文

明碑不具錄錄以其人潮州改創濂溪先生祠記則文簡書也時嘉靖三十三年甲寅文簡年八十九

廣州府學銅爵六陽識泰定乙丑濂泉書院山長倉克義任內置掌儀彭九思監造銅邊十三銅簠一識同又銅邊二陽識至正二年正月吉日廣州路儒學教授傅若金補置掌殿張常德監造又銅邊二十陽識廣州路學四字銅簠二簠五識同

南海神廟碑

南海神廣利王廟碑使持節袁州諸軍事守袁州刺史韓愈撰使持節循州諸軍事守循州刺史陳諫書元和十五年十月一日建按碑稱元和十二年詔用前尚書右丞國子祭酒魯國孔公為廣州刺史至州之明年將夏祝冊自京師至云

云明年祀歸又廣廟宮而大之明年其時公又固往咸願刻廟石以著厥美是碑作於十五年無疑而廣州志以為十二年所作誤也廣州志又以此碑為宋循州刺史陳諫重書今碑並無重書字宋時職官無刺史之名而陳諫係於唐時為循州刺史又於元和初刺封州則碑為當時所書無疑矣又按鄭氏通志金石略載隋唐碑於歐虞等以書名者並分別其人於後而以所書之碑類次記之其敘陳諫書凡二種南海神廟碑昭義軍節度使辛秘碑次於韋縱之後唐元度之前則陳諫在當時以書名而今知之尚賴有此碑耳奈何撰志者誣以為宋人哉此碑書字尚有晉人遺意歐陽公集古錄云以余家舊藏集本校之皆同惟集本云蜿蜿蜒蜒而碑云蜿蜿蜒蛇小異當以碑為正案碑後繫以詩云南海陰墟祝融之册即祀於帝命南伯吏情不躬正自今公明用享

錫右我家邦惟明天子惟慎厥使我公在官神人致喜海嶺之隙既足既濡胡不均宏俾執事樞公行勿遲公無遽歸匪我私公神人具依武億授堂金石跋云舊唐書孔戣傳戣授廣州刺史先是韓愈在潮作詩以美之此詩當即謂此傳謂潮犯風波而往韓愈在潮作詩以美之此詩當即謂此傳謂潮祭各以五郊迎氣日祭之至四瀆則不著祭日今碑稱以立夏氣至命廣州刺史行事祠下知與岳鎮同也又稱冊有皇帝名乃上所自署其文曰嗣天子某碑陰凡四段最上一段熙甯歲次癸丑十二月丙申距甲寅六月辛未府帥諫議程公凡四謁南海廣利昭順王蓋將天子之命求雨於神而兩禱兩謝之獲應頗異前太守有一至廟下已二十餘年而後寂寥無傳今公戾止何其偉歟亦足為靈宮一時之盛事資邦人百年之美談也時獻官黃植趙光弼攝奉禮黎獻臣攝大祝富臨輒記於退之之碑陰云公之子德叟義叟陪位第二段皇祐二年孟秋庚寅偕陸仲息子強丁寶臣元珍李

徽之休甫王逢會之劉竦子上謁廣利王夕宿廟下祖無擇擇之記彈琴道士何可從鐫字僧宗淨同行後小字云吉陵蕭可相同男洪濤於萬曆丙申九月建醮三年己亥九月又申懺謝題記第三段中云宗道從事於廣并今三拜祠下熙甯壬子三月權發遣轉運使公事向宗道題左云明萬曆己丑冬郡人劉克修克治克平徐明遠謁祠下陟章邱登西臺信道士省元許後八分書四小字云朱完後至右云嘉靖二十九年仲春丙午黃佐才伯偕門人徐兆先履漸黎民表惟敬梁孜舜伯伏謁廟下謹題第四段端平丙申三月清江彭鉉詣祠蒞祀事登浴日亭訪韓碑誦坡句摹本而歸刻石碑陰時廬山胡泳與其季浚偕行又碑左側有嘉靖壬午吳興施儒聘之題名右側有萬曆癸巳瓊臺王宏誨題名

宋開寶南海神廟碑

在廟門內西側北向正書篆額大宋新修南海廣利王廟碑銘並序山南西道節度掌書記將仕郎守右補闕柱國賜緋魚袋臣裴麗澤奉敕撰朝議郎行監察御史權知端州軍州事臣韓溥奉敕書開寶六年癸酉十月九日己丑書建其文略謂天寶十載封為廣利王自唐季戎馬生郊五嶺外郡為劉氏所據殆七十年何暇禱祀嶽瀆耶今皇帝受命蠹茲炎阪獨迷聲教乃出兵命將下郡百餘所拓土千萬里沿海舊地盡為我有未翌日廣南道行營招討都部署潘美陳露布俘偽廣王與官屬獻於闕下上曰廣利王廟自阻隔以來寥寥莫睹可俾重葺乃命中使往蒞其事云云 碑陰列銜在左方小字作五長行又題名凡三段一云熙甯七年秋八月

上以久旱精禱天下名山大川詔右諫議大夫知廣州程公致祠南海洪聖廣利昭順王已而休應云獲復命公行賽謝之禮時黃楨趙光弼為獻官黎獻臣譚粹攝奉禮太祝陳端與公之子德叟義叟陪位冬十月十八日蘇咸記李植書此段在額一云聖宋皇祐辛卯歲三月十九日庚午立夏祗命致享於洪聖廣利王廟右諫議大夫充天章閣待制知廣州田瑜都官員外郎前監鹽倉黃鑄虞部員外郎通判朱顯之謹題僧宗淨刊此段在中之右一云熙甯甲寅仲春十九日府幕譚粹檢季邑簿李植書碑謁拜祠下此段在下方

紹興乙丑六侯碑

在康定二年中書門下牒碑之陰六侯者達奚司空封助利侯杜司空封助威侯巡海曹將軍濟應侯巡海提點使順

應侯王子一郎輔靈侯王子二郎贊當侯皆著靈應於海上者紹興乙丑中夏二十四日莆陽方漸記於石

乾道元年碑

額篆云南海廣利洪聖昭順威顯王記文正書左朝奉郎權發遣南恩州軍州主管等事兼管內勸農事借紫陳豐撰右朝奉大夫提舉廣南路鹽事廣東常平茶事賜紫金魚袋詹詹書乾道元年十月立石後古靈陳奕小行楷一段記刻石始末

至正戊子修祠詩碑

在南海神廟至正戊子冬至日典瑞院照磨河南王按彈溥化被命修理南海王祠偶成一律並書
宋康定二年十一月中書門下牒

在南海神廟承務郎守錄事參軍陸青書並篆額慶歷二年二月十七日上石

皇祐五年牒

在南海神廟碑凡三層上一層為牒勅第二層載元絳奏狀下一層載元絳記文案元絳記云上心感焉詔詞臣蔡襄作誥則勅為君謀筆也

案復齋碑錄載唐張九皋祭南海冊天寶十載三月刻今不存

蘇文忠浴日亭詩

石刻在亭內下半微泐題云南海浴日亭題下有字四行云至元十八年十月一日其餘不可辨細觀其尾似云軍都元帥廣東缺二使白缺一書檢廣州志元至元中有宣慰使白佐豈其人歟詩後跋云右紹聖初元東坡先生謫惠州過

浴日亭所作也壁間今存小刻乃後人所書缺二有舛異竊

舊得此真蹟於湘中嘉定辛巳立夏祇奉皇帝缺二來謁祠

下因出以壽諸石缺二補缺三蓋斯亭觀覽之偉固自足以

雄視海天而此詩詞翰之神尤足以彈壓千古缺一可缺一

其缺數無傳也哉清源留筠端甫書筠正之次子嘉定十二

年知廣州府詩第七句忽驚鳥動行人起鳥石刻作馬字頗

完好非剝泐致誤也殊不可曉

陳白沙次浴日亭韻詩

在蘇詩碑陰草書浴日亭追次東坡韻殘月無光水泊天漁舟數點落前灣赤騰空洞昨宵日翠展蒼茫何處山顧影未須悲鶴髮負暄可以獻龍顏誰能手抱陽和去散入千巖萬壑間成化乙巳夏四月望後翰林國史檢討古岡病夫陳獻

章書後有湛文簡跋云此吾師石翁先生手書浴日亭和東坡之作也識者以為度越前作矣夫以先生片言隻字皆發於妙道精義之蘊可以為訓又非特詩人墨客之比已也此本嘗刻於關大正氏而藏於道士馬^缺三因李鰲峰別駕以示予予久欲書此詩刻於亭中而未能一旦得^缺二珠之入手也遂俾善書者承差洗瀚精摹入石鑿於亭上嘉靖壬寅秋七月二十四日

貪泉碑

在廣州石門刻貪泉二大字明萬曆二十二年四月郡人右布政使李鳳等立其上刻晉刺史吳隱之詩

案王象之輿地碑記曰吳隱之貪泉記在廣州^{石廳事東}又貪泉碑唐南海別駕陳元伯銘舊置於泉之側亭上今

徙於廣平堂

魏氏通志金石畧云貪泉銘一篆書一分書在廣州

又廣州都督宋公

遺愛碑頌張說撰^{宋公諱璟}阮志云新唐書本治不足紀廣人以臣當國故為^璟立遺愛頌^璟士言臣之^之請自^臣始有詔許^停似是碑不久立矣而輿地紀勝^循所不詳也^饗軍堂記柳子厚文又廣州古塲塲面範四字云委於鬼工魏侍郎瓘知廣州日所得十賢贊並後序蔣之奇撰州學記王十朋撰今皆不存

拱北樓銅漏壺識

延祐三年十二月十六日造後列廣東宣慰使司元帥府監鑄諸官姓名凡十九行^{阮志云石畧云其款字體天邪模糊辨凡二十一行此不可讀}剔以礬水象以蠟始隱約可云十九誤也

光孝寺菩提樹髮塔記

記勒石於儀鳳元年丙子法性寺住持僧法才立文載曹溪

志志云此碑見存省城光孝寺菩提樹下乃唐刻也然今樹下之石乃明萬曆壬子重刻

寶曆石幢

在光孝寺二門西榕樹下兩面皆有字同經略副使將仕郎前守辰州都督府鑿博士廬江郡何宥則敬為亡兄節度隨軍文林郎守康州司馬宥卿造此大悲陀羅尼幢寶曆二年歲次景午阮志金石畧丙午作景午避世祖廟諱也十二月一日法性寺住持大德兼蒲澗寺大德僧欽造書欽造閩川人

光孝寺鐵塔識

廣州光孝寺有二鐵塔其在東院者以黃金塗之南漢主劉鋹所造塔下一層識云大漢皇帝以大寶十年丁卯缺是卯字歲勅有司用烏金鑄造千佛寶塔一座七層並相缺志作輪蓮花座高

二丈二尺保龍

缺志作躬

有慶祈鳳歷無疆萬方咸缺志於清平

八表永承於交泰

缺

後善缺十國春秋注作資三有福被四恩以四月

乾德節設齋慶讚謹記西院又有千佛鐵塔其識云玉清宮使德陵使龍德宮使開府儀同三司行內侍監上柱國龔澄樞同女弟子鄧氏三十二娘以大寶六年歲次癸亥五月壬子朔十七日戊辰鑄造永充供養兩塔高大略相等東塔較高朱竹垞謂見二塔並立一屋中修短不齊一作記一題名始悟曩時拓本合二為一記之不詳疑未得其實也又謂其列名皆宦者今觀其列名皆沙門監造而宦者惟龔澄樞一人且其塔乃澄樞自造又在鋹所造之前亦不得合為一也大鑿禪師殿記

在光孝寺六祖殿前咸清五年十一月初七日華文閣直學

士通奉大夫廣南東路經略安撫使馬步軍都總管兼知廣州軍州事兼管內勸農使陳宗禮記朝散大夫提舉廣南東路常平義倉茶鹽公事兼權通判冷應徵題蓋宣教郎知廣州南海縣主管勸農公事兼弓手寨共軍正王應麟書
又寺之伽藍殿內大鐵鑊有延祐年字已磨滅不可識
又寺東禪室後池上有鄺湛若八分書洗硯池三大字旁題鄺露二字草書

又寺有米元章書三世佛名凡十二字在祝聖殿梁間

六榕寺證道歌碑

六榕寺舊有王勃碑今不可見矣永嘉禪師證道歌一碑兩面皆刻字合碑陰讀之皆七言歌詞文尚不完又無他本可對而其上篆額曰皇宋廣州重開永嘉

阮志金石錄篆額云聖宋廣州重開永嘉

此作皇宋蓋亦似文未完者碑字勁逸似坡公書

寺舊為淨慧寺蘇長

公南遷過此書六榕二大字因以六榕名今寺額即蘇書也

五仙觀古成之詩碑

隸額曰古僊舊題中二段草書七律一首五律十韻一首下

段跋云紫虛真仙古成之字亞頊所題遺什再勒翠珉不書年月跋以古為增城人與惠州志不同

阮志金石畧云跋不著時代年月文中國

初字太宗皇帝字並空一字書其為宋刻無疑

孫典籍重修五仙觀記

洪武二年己酉暮春郡人孫蕡撰臨川吳湯舉書朱竹垞言觀有建中靖國碑今訪問無知者矣

五仙觀鐘識

大篆書徑二三寸洪武十一年戊午孟春十八日辛卯廣東

等處承宣布政使司鑄造

五仙觀湛甘泉詩碑

白蓮池上訪仙蹤缺聽攢眉夜夜鐘七十年前燈火地東尋

無路白雲封甘泉子成童館坡山白蓮池東房嘉靖甲寅夏

李缺青霞父子邀飲於大鐘之樓舊跡變遷惕焉感懷時是

秋七月三日南京兵部尚書湛若水書

又寺內東側三元殿前有池片石陂陀泉出其中旁刻仙人

足跡四字

眞武像贊

石刻在五仙觀嘉靖乙丑羅浮山人黎民表八分書

海珠寺觀音像

右方欵云唐吳道子作上有正書摩訶般若波羅密多心經

萬曆己亥仲春鎮守廣東都督雲間侯繼高摹並書碑陰又

一像像後題云大明萬曆丁亥年造下缺二字重修前有文一

段六行行八字類頌聖祝釐之詞字皆泐不可辨上有慈聖

宣文明肅皇太后之寶

蒲礪寺石刻

蘇詩廣州蒲礪寺七律舊刻已失明人劉介齡集公書摹勒

上石第四句漏天誤作溜天第五句方土宅誤作居士宅

崔清獻公詞介齡行草書萬里雲間戍立馬劍門關亂山極

目無際西北是長安人苦百年塗炭鬼泣三邊鋒鏑天道久

應還手寫留屯奏爛爛寸心丹對青燈搔白髮漏聲殘老來

勳業未就妨卻一身閒蒲礪清泉白石梅嶺綠陰青子怪我

舊盟寒峰夜平安夜歸夢到家山右水調歌頭清獻公寓蜀

作句有蒲礪清泉白石因謀並蘇作刻焉二公高風餘韻千載灑然令人追慕後學劉介齡跋並書萬曆丁亥歲摹勒上石此詞崔氏祠堂別有石刻白沙書第四句作直北是長安第六句泣作哭梅嶺句在蒲礪句之上後跋云右調水調歌頭吾鄉前輩菊坡先生宋丞相清獻崔公鎮蜀時題劍閣卽此詞也曩夢拜公坐我於床與話平生仰視公顏色可親一步趨聞不知其已翱翔於蓬萊道山之上欲從之而無由因請公手書公忻然命具紙筆烏犀古今幽明一理人之所見則有同異感而通之其夢也耶其非夢也耶今書遺其後七世孫同壽云宏治甲寅冬十月白沙陳獻章識

靈峰山蘇詩石刻並像

靈峰山一名靈洲山在廣州城西北七十里有寶陀院妙高

臺蘇文忠以元符三年十月題詩於此卽集中前世德雲今我是絕句也今石是元泰之二年重摹承德郎廣州路南海縣尹兼勸農事番禺張拱辰摹本下有拱辰自記又明萬曆十七年南海朱完繪文忠像番禺劉克平八分書讚克平並繪晉郭景純像於石以景純有南海盛衣冠之氣一語也景純像又有朱完八分書劉克治楷書一讚又有明嘉靖中閩陳謹和蘇韻詩萬曆丙戌年吳文華詩己丑年馮藻詩己亥年祝以誦詩壬寅年陳性學李時華詩數碑不具錄

案程周量云靈峰碑凡六幅字與此詩等又有公書超然臺記又有環翠亭榜亦公筆廣二尺許字體與詩記異皆不見

南漢大寶五年石塔記

南漢大寶五年石塔記

卷三十一

金石

十一

東莞縣資福寺石塔南漢禹餘宮使邵廷瑁以羣象害稼聚

象曾建石塔以鎮之記文已剝壞首行略云以大寶缺六乙

卯朔六日庚申缺五面招討使特進行內侍監上柱國以下

辨此下略云買地一段砌塔五層四面龕室裝嚴云云自五

六行以下皆傷銘益模糊不可讀南海古蹟記云東莞鎮象

餘宮漢離宮也廷瑁官名僅見於此

十龍潭石刻

東莞縣有十龍潭潭上石刻飛泉紫虛洞天六字

五百羅漢閣記

王象之碑曰東莞縣五百羅漢閣記蘇軾撰又有舍利塔銘

詞並書

陳白沙慈元廟碑

慈元殿在新會崖山上成化中廣東右布政劉大夏建以祀
宋楊太后碑立於宏治己未夏行草書自跋云病愈後尙未
堪筆硯念作祠之意久未聞於天下力疾書之後有增城門
人湛雨跋

陳白沙書敬勇祠記

祠為剿猺寇死事者作廣東按察副使鬱林陶魯撰記成化
十五年己亥十月望日知縣丁積指揮同知倪麟立石太學
生邑人陳獻章書丹

白沙壯哉亭碑

敢勇祠後最高處作亭以為臨眺之所章以壯哉並題其上
詩五絕二首宏治元年春閏正月庚午翰林國史檢討陳獻
章閱丁酉舊稿書以遺守祠者

白沙書游心樓記

記是林光緝熙撰而先生書之成化十八年壬寅二月也碑首有八分書游心樓歸趣六字末題云東海居士隸古下有古岡陳獻章江浦莊景五羊張詡三人詩

嘉會樓記

樓在新會縣東南二十里許宏治甲寅巡按熊成章爲白沙建宏治十六年秋南海病夫張詡廷實撰並書詡白沙門人湛文簡增城縣儒學明倫堂頌

邑庠師廖君如嵩崔君時敏重修明倫堂遣諸生黎鰲顧士嘉黎化來請銘予曰頌也爲述所聞書於堂壁以告來裔其詞曰天祐斯文篤生聖人維聖有作明倫肇興明倫之堂翼彼相江鳳山之陰龜峰之陽曷明曷倫先明諸心匪行匪習

由仁義行於變時雍五典克從曷從以變萬心攸同此何以然人心卽天又何以然天無二原痛癢相關泚頰汗顏赤子入井誰不惕焉親義序別信由心生非由外鑠天靈天真父子生親君臣生義序別信生夫婦友弟道在感應萬一各正其幾其微哲哉亞聖知幾哲人知幾其神盡心盡性盡性盡倫萬古在後千古在前誰不同天誰不同然敢告髦士同體斯義乃升斯堂德業不匱賜進士出身資政大夫前南京兵部尙書奉勅參贊機務國子祭酒翰林侍讀同修國史經筵講官賜一品服湛若水書嘉靖二十四年六月吉知縣事何天祿主簿凌友庠立石字行草徑六七寸

黎瑤石書從化三箴

從化縣堂清慎勤三箴碑立於嘉靖庚戌少詹黃佐撰門人

黎民表八分書

清遠峽山寺諸刻

黃叔敖題名云豫章黃叔敖自廣東轉運判官蒙恩移使湖南政和丁酉二月乙卯舟過峽山寺與天台僧子常同遊男彬林壑彪攀侍行知清遠縣事廖仕俊命工刊

葛壇二大字在葛壇石上乾道己丑孟秋吳興陶定安世書新建飛來殿記天曆二年良月清遠縣尹楊觀記並書

雲壑二字在琴心閣後石壁上八分書後題虞臣二楷字又有巖泉偕樂薪木勿傷八字旁題云萬曆庚子仲春南海陶虞臣題又飛泉亭下橋底石澗深處澄潭晚沐四字徑尺許陶虞臣篆書

仙源二字在仙源洞八分橫書旁云明萬曆庚申秋朱學熙

題其下石壁上又有橫篆移情二字不著名氏

卧仙巖三字在卧仙巖石下八分橫書朱學熙筆又一石亦八分書爾翩翩爾僊僊萬斯年又水廉臺中有大篆二處曰層崖飛雪曰天風環珮又一石刻行楷云崖石勢欲落令人發怪想載拜濡元雲額之衣裾上又一石刻楷書關蒼雪崖因題云萬木蔭蒼瑤千山聳寒碧願灑向人間一時清火宅俱朱學熙書又寺東江潯溪石上浴夢二大字八分橫書後題曰山中人下有朱學熙印又浴日亭右側壁上有學熙所篆蒼瑤二大字直書

石禪二字海翁巖前有達摩石澗丈許梁時達摩西來經此於石上禪定其下有八分直書石禪二字下題朱叔子三字

寺志云山中人朱叔子狂士也嘗修闕北周諸勝所封花阡有學熙銘學熙明邑文學

奇觀二篆字在釣鯉臺頂盟玉二篆字在抱樸亭後石上俱
叔子書又玉洞瑤天四篆字在樂社下石壁上旁題云山中
人朱叔子熙

蒼雪崖三大字八分橫書旁題朱學熙闢陳長策書

飛泉洞詩五律四首草書萬曆辛丑邑人鍾萬春題後學陳
遠馨謹書上石又海翁崖前大石上刻草書一詩云凌空飛
錫結嶙峋蒼荀香中草自春鳥渡雲移今此世鴻冥天濶我
何人羲娥斷送千年夢龍象終成一聚塵便合拈花發微笑
滄波無語月華新泰泉黃佐

按古寺之上有峭壁約二丈許有羅隱所篆雲臺二字鐵
壁上有范陽祖無澤至此字雲棧峰有米元章題刻吹簫
臺奇壁上有元章題名九字今問之寺僧皆無知者矣

韶州府一

南漢大寶二年鐘款

鐘高二尺四寸圍四尺口五尺紐高五寸圍一尺款曰大寶

二年太歲己未七月甲辰十九日壬戌樂昌黃蓮山寶林禪

院住持長老明徽大師賜紫沙門義初召眾緣鑄按鐘今在韶州新建

文昌廟

乾道三年鐘識

在韶州府堂識云乾道三年丁亥壬子月初一日乙丑勅差

住持傳法賜紫正覺了悟大師奉甯謹題隆興府都料游智

文造

銅漏壺

韶州府廳有明萬曆間知府陳大綸所造銅漏壺止存其一

上有大綸識

宋正和八年手詔碑

碑凡二層其額大書御筆手詔四字上一層為詔書下一層為李邦彥記在韶州府學案府學又有明宏治十七年東莞劉存業修學記萬曆二年黔南李渭重修學記又有南康黃榮科貢題名記永昌五年丁亥六月立石

舜峰寺碑

寺創建於宋紹興十九年此明成化庚子重修碑也知韶州府王賓書

吳道子畫張文獻像石本

韶州張文獻祠有唐時所寫鐵像又有文獻像一軸傳為吳道子筆石上其模本也上有宋阜陵手題云唐曲江公張氏

九齡又書贊云鹿入深宮花解愁牛登高鼎餽優休當時若聽履霜語豈到峨嵋山盡頭噫雖嘗因奏薦而問公風度蒙大難而遣使祭饗不識噬臍禮意曲江何似荊州瀆熙十三年三月己酉朔絹本高二尺四寸五分濶一尺二寸六分絹色黧黑像右旁有中書省印上有建中元年贈司徒制下有明嘉靖乙巳秋遠從孫岳惟喬識云是嘉靖甲辰夏於吉水豐同姓人家購得之宋錄唐名臣後惟狄梁公殷司農郭汾陽與公四家子孫當受官者持畫像告勅元宗御札詣闕下為左驗宣和中御札留秘府像仍歸其家此其持詣闕下受官經阜陵御覽而為之讚歎七月既望模一木遺守祠孫澤禧俾度祠下並書其始末以告之

元志金石畧攷宋史禮志錄唐四名臣後在仁宗朝則持畫像詣闕受官當在此時何得經阜陵御覽而為之讚耶且識云宣和中像仍歸其家宣和

年更無得經阜陵御覽之理然則此有涪熙題贊者或當時持以詣闕遂留內府宣和中實未歸其家故孝宗得見而讚之迨德祐景炎之際流落人間乃為惟喬所得爾識語失實文獻祠石本刪落不刊確為有見

贈司徒制 佚

正大厦者柱石之力昌帝業者輔相之臣生則保其雄名沒乃稱其盛德飭終未允於人望加贈實存乎國章故中書令張九齡維嶽降神濟川作相開元之際寅亮成功讜言定其社稷先覺合於筮龜永懷賢弼可謂大臣竹帛猶存樵蘇必禁爰從八命之秩更進三台之位可贈司徒公集中有辨證一條云贈司徒舊史為至德初上皇在蜀思九齡之先覺下詔云云仍遣使就韶州致祭新史云德宗建中元年賢九齡風烈贈司徒考之本紀元宗以天寶十五載七月庚辰至蜀郡八月癸未朔赦天下癸巳靈武使

至知太子即位丁酉稱上皇詔稱詰已亥臨軒册肅宗自庚辰至己亥僅二十日且蒙塵之餘固無暇贈典神道碑但言發使至韶州弔祭而已新史蓋據碑也贈司徒當以建中為正諸道石刻錄云韶州唐張九齡司徒告建中元年刻又按米芾寶章待訪錄唐彭王傳徐浩書第二句昌作匡臣作功

張九齡神道碑

徐浩撰長慶三年立宋天聖八年重刻歐陽修集古錄云張九齡碑按唐書列傳所載大同小異傳云壽六十八而碑云六十三傳自左補闕改司勳員外郎而碑云遷禮部傳言張說卒召為秘書少監集賢院學士知院事碑云劉知至後作相遷中書令始知院事其載張守珪請誅安祿山事傳云九齡判守珪狀碑云守珪所請留中不行而公以狀諫然其為語則同碑長慶中立而公薨在開元二十八年至長慶三年實八十四年所傳或有回異而至於年壽官爵其子孫宜不謬當以碑為是也又趙明誠金石錄云右唐張九齡碑徐浩撰並書歐陽公集右錄云云今考之浩撰碑時為嶺南節度使在大厯間距曲江之卒未遠至長慶中其家始刻石耳劉禹錫讀曲江集詩序

金石

十八

廣東古蹟要覽卷三十一
以爲曲江燕翼無似終爲餒魄而碑載公嗣子極孫藏器碑
後又載曾孫敦慶元孫景新景重然則曲江爲有後矣不知
禹錫何所據也碑又云
公一名博物而史不載

張九皋神道碑

在文獻墓上禮部侍郎秘書少監蘭陵蕭昕撰長慶三年立
明嘉靖二十四年重刻又曲江有歐陽文忠所撰余襄公神
道碑

陳白沙風采樓記

樓在韶州府城內與風度樓相望明宏治十年太守錢君鏞
建以祀余襄公本蔡君謨詩必有謀猷神帝右更加風采動
朝端也其冬十二月白沙陳獻記並行草書

方信孺虞泉銘

八分書碑在韶州西北皇岡舜祠下虞泉銘並序知英德府

真陽縣方真孺書權發遣韶州軍州事方信孺撰韶之西北

有山聯縣如屏嶂是爲皇岡虞祠奠其麓刑獄使者廖公德

明旣作新之缺一字有泉出祠東崖其流所以資灌溉給飲

濯者甚遠甘而缺一字與他泉異余仲夏有事祠下退而相

羊林澗間因謂泉於是乎出幸托虞祠相爲終始而名獨未

得與舜峰韶石班雖泉之不遭亦好事者責也遂名曰虞泉

又記黃太史詩有爲舜泉作者注云河北酒名也旣以名泉

又因泉以名郡齋之酒它日與客酌泉飲酒念當有以被金

石使後之人知名缺一字始爲之銘曰蒼梧之墟維舜跡只

雙闕岩堯鎮南國只山川草木麗此五字據今昔只韶之大

全此二字別本猶彷彿只彼皇岡下新宮翼翼只流泉感發

貫東壁只晝夜混混不涸不溢只耕者居者普潤澤只后皇

遺祥為帝出只肇錫嘉名孰賓缺一只謂舜何峰謂韶何石字只豈泉之清不稱德只會稽有井石缺一湧只豈韶缺一泉匪是匹只自我作古詒罔極只酌泉而羞缺一時格只釀泉而體人缺一懌只銘以歌之宜琴瑟只皇宋嘉定庚午七月丁亥朔刻下有章貢蕭茂四字以下不可辨蓋鑄人姓名也

蔣穎叔續武溪深詩碑

在韶州西武溪亭上亭今為九成臺碑高六尺濶三尺五寸其額正書寶文蔣公武溪深詩八字下前刻馬援辭云滔滔武溪一何深鳥飛不渡獸不能臨嗟哉武溪何毒淫後刻穎叔和續詞云飛湍瀑流瀉雲岑碎激百兩雷車音音聞神漢之初始開劇史君姓周其名煜至今廟在樂昌西苔蘚殘碑

僅堪讀武水之源自何出郴州武縣鷓鴣石南入桂陽三百里浚瀨洪濤互淙射其誰寫此入新聲一曲馬援門人笛南方耆舊傳此水昌樂之瀧茲乃是退之昔日貶潮陽曾到瀧頭問瀧吏我今以選來番禺事與昌黎殊不類未嘗神邑輒惶慌何至形容遽憔悴但憐歲晚毛鬢侵故園一別至於今溪光鬢畫清且淺朱藤覆水成春陰何為去此嬰朝簪翩然疋馬馳駸駸兩踰瘴嶺窮崎嶇梅花初開雪成林韶石彷彿聞舜琴曹源一滴清人心遠民安堵年穀稔百蠻航海來獻琛嗟余才薄力不任報君夙夜輸誠沈布宣條教勤官箴有佳山水亦幽尋樂乎吾樂何有極不信愁歌武溪深自跋云李君以神漢桂陽太守周府君功勳紀銘為示碑尾云太和九年五月重修歐陽永叔集古目錄跋云此君檢漢書無之

今碑石缺亡其名惜乎遂不見於世也南人紀其所修瀧水
即韓文公所謂昌樂昌是也至今以為利祠宇甚嚴云余讀
韶州圖經云周史君廟在樂昌縣西北一百八十里武溪上
舊經云後漢桂陽太守周君光開新瀧故立廟武溪驚湍激
石流數百里昔馬援南征其門人爰寄生善吹笛援作歌以
和之名曰武溪深其辭云云周史君開此溪下合真水碑在
廟中郭蒼文但云府君字君光而已其名訛缺不可辨圖經
說周史君亦不著其名李君嘗往詣碑辨之乃是煜字永叔
但得墨本故莫能考也余讀退之瀧吏詩云南行踰六旬始
下昌樂瀧獨疑樂昌昌樂之名不同遂移書_字李君答曰
樂昌縣五里有昌山有樂石尤大當是樂昌以縣名昌樂以
山名瀧今在縣上五里余乃釋然無疑矣因感馬援之意續

而成之為武溪深一章云元祐二年十一月三十日番禺府
中書後又刻所作書南雄樂昌驛七絕一首自注云欲以見
驛名亦以昌樂也又望韶石七絕一首未有元祐三年戊辰
正月晦日真陽貢士李脩立道跋下又云門生廣文館進士
李脩題額並立石碑尾小字一行云右朝散郎知韶州軍州
事譚粹元祐癸酉季秋六日自延祥禪院移立武溪亭

桂陽太守周府君碑_佚

粵東石刻以周府君碑為最古碑建於漢靈帝熹平三年
荆州從事曲江郭蒼伯起撰_{顧諫古錄辨云韶州圖經云}
_{邑子故吏龔臺郭蒼龔維等命工建碑於瀧上勒銘公功}
_{蒼亦命工建碑者非撰文之人也圖經之不足信如此}
歐陽公集古錄目云在韶州樂昌縣昌樂瀧上周君廟中
隸釋云今碑在韶州張九齡廟中今皆不可問矣_{都穆金}
_{薤琳瑯}

此碑元季廬陵陳諤跋謂漢刻本在龍上唐重刻本在曲江廟中不知何時徙置郡學韶州守錢旭既新府治以韶在漢屬桂陽乃徙置之後揚文貞公跋亦云碑在韶州府治按府治今為王府碑由是仍徙曲江廟中東廣漢碑絕少所有惟韶州府及曲江樂昌二縣志皆載其文樂昌志所載一篇曰張鹵撰鹵不知何時人其文稱堯熹平三年云云而後引昌黎驅鱷魚事真千古笑柄韶州府曲江縣二志所載文大畧相同皆曰名昕洪氏隸釋載此文是憬字廣東新語云憬或作暎今錄隸釋全文於此碑首隸額云神漢桂陽太守周府君功勳之紀銘歐陽集古錄云神唐爾蓋當時已為此語而史傳他書無之獨見於此碑也趙氏金石錄目云第一百三十三漢陽太守周君頌熹平三年五月又按天下碑目文云桂陽太守周府君者徐州作桂陽太守周使君碑下邳人也諱憬字君光體性敦仁天姿篤厚行興閨門名缺州里舉孝廉拜尚書侍郎遷汝南固始相遂拜桂陽廼

宣魯衛之政敷二南之化政以德餒化猶風騰撫集烝細

缺綏有方進則貞直退則鎔枉崇舉濟濟古土土充朝招

訓缺蒙開誘六蔽君子道長小人道消信感神祇靈瑞符

缺嘉穀生於野奇草像蕙莆異根之樹超然連理於此缺

時判域惟甯郡又與與南海接比商旅所臻自瀑亭至兮

曲紅壹繇此水其水源也出於王禽張遷碑問禽狩所有之山山蓋

隆缺三亏天泉肇沸踊發射其顛分汜離散為十二川彌

陵隄阻介阜錯連隅陬邊末繇騁為爾尼貫山鑽石

經缺四揚爭怒浮沈潛伏虵龍蝘屈澧隸辨云澧借為豐字隆鬱滄

千渠萬澮合聚谿澗下迄安甍六瀧位難滿瀨淦淦泣汙

潺湲雖詩稱百川沸騰高岸為谷為陵蓋莫若斯天軌所

經惡得已改其下注也若奔車失轡狂牛無縻缺勿充勿

臚睦不相却及其上也則羣輩相隨檀栢堤缺唱號慷慨
 沈深不前其成敗也非徒喪寶玩隕珍奇替珠貝沝象匪
 也往古來今變甚終矣於是府君尼思夏后之遺訓缺應
 龍之畫傷行旅之悲窮哀向人困厄感蜀守冰殄絕犁甍
 離離嘉夫昧淵永用夷易迺命良吏收隸辨云即獎字帥壯
 夫排積賸磐石投之窳缺二高填下鑿截回曲駟水之邪
 性順導其經脉斷硯溢之電波弱陽侯之汹涌繇是小溪
 月平直大道允通利抱布買絲交易而至升涉周旋功萬
 於前除昔缺二樹壘基於茲雖非龍門之鴻鴻呂大臨
上旅鬲釋云按周憬功績亦人君之德宗故胎船人嘆於
動銘內鴻字工作績亦人君之德宗故胎船人嘆於
 水渚行旅語於涂陸孔子曰禹不決江疎河吾其魚矣於
 是熹平三季歲在攝提仲冬之月曲紅長零陵重安區社

字景賢遵承典圖宣揚德訓帥禮不越缺仰高山屨與巴
 子故吏龔臺郭蒼龔雒等命工擊石建碑于瀧上勒銘公
 功傳之萬世垂示無窮其辭曰乾以剖兮建兩儀剛柔分
 兮有險夷谷中鬱兮穆崔嵬嘆衡林兮獨傾轂增陵階兮
 甚嶇崎鮒莫涉兮禹不規仰王禽兮又崑崙俯瀧淵兮怛
 以悲岸參天兮無路後隸釋云小溪石縱橫兮汜洞洞波
 隆隆兮聲若雷或抱貨兮以從利或追恩兮有赴義汜自
 楫兮有不避缺躬軀兮於元池委性命兮於芒縑藟惜寒
 憊兮不皇計忽隨湑兮殆忘歸懿賢后兮發聖莢閉不
 通兮治斯谿墜巨石兮以湮填開切隸辨云即德字兮
 導曲機摧六瀧兮弱缺兮散其波威怒定兮混瀾瀾息
 聊啾兮逝缺兮蛟龍臧睦老唱兮臚人歌名國世兮缺

超踰倫今稱缺兮耀沅沙功斐斐兮鏡海裔君考君壽不
 訾洪氏引樂史寰宇記云瀧上有太守周昕廟今碑在韶
 州張九齡廟中其名尚隱隱可辨蓋憬字也又引天下
 碑錄一條云漢桂陽太守周使君碑在韶州樂昌縣郭蒼
 文按歐陽叔裴集古錄目一條云右桂陽周府君碑漢隸
 不著書撰人名氏韶州圖經云郭蒼撰趙明誠金石錄云
 曾子固言嘗得此碑於韶州王之才以書來言曲
 江縣圖經周府君名昕字君光則承叔之才圖經不載其名
 者蓋考之未詳也今此本雖譌闕然究其點畫殊不類昕
 字予後見市中印本歐陽公廬陵集別有一跋尾周君名
 憬景字顧近之劉昌詩廬浦筆記云周府君碑六一先
 生凡三四百字跋最後方辨其名憬蔣穎叔作武溪深乃
 謂名煜且押之韻蓋石古剝落以其形似求合於君光之
 字故云爾曾南豐顧云從知韶州王之才得此碑書來曰
 按曲江縣圖經名昕則並其形似而不辨矣何至遠信而
 以六一為未詳考即又阮志金石畧按銘文云水源出
 於王禹之山王禹山即水經注之王岑山在今湖南郴州
 境碑陰題名云故曲紅長零陵重安區祉字景賢故舍淮
 長南郡即蒼陸字缺夏故瀆陽守長南平丞長沙漢昌蹇
 祗字宣節故行事未陽翠夏諫辨云萃即華夏疑夏字漢威故荆州

從事曲紅龔臺字少謙故荆州從事曲紅郭蒼字伯起故
 荆州從事柳王鼎字季尼故南部督却曲紅龔雒字缺然
 故吏曲紅鄧音字孝直故吏曲紅朱隲字義德故吏曲紅
 張源字子才故吏曲紅龔達字叔通故吏曲紅黃部字卉
 尼故吏曲紅周蓋字伯嘗故吏曲紅黃晏字子齊故吏曲
 紅馬珪字元序故吏曲紅潭承字寧升故吏曲紅劉鵠字
 季產故吏曲紅黃祺字叔仁故吏曲紅周習字仲鸞故吏
 曲紅劉越字子省故吏柳褚禧字缺讓故吏未陽蔡缺字
 已明故瀆陽左尉零陵泉陵缺二故吏瀆陽劉明字仲缺
 故吏瀆陽左勝字仲升故吏瀆陽左龢字妙舉故吏瀆陽
 宋碩字子張故吏舍淮堯禹字公制故吏舍淮張邵字寧
 威故吏舍淮黃諱字伯節工隴南陽宛王選字子疆趙明誠金

石錄周府君碑陰題名凡三十一人姓氏具存按酈道元注水經瀧水南逕曲江縣東縣昔號曲紅曲紅山名也而東西兩漢史皆作曲紅則是當時縣名曲紅無可疑者不知兩漢史皆作曲紅何也而洪氏隸釋云右周景碑陰宰曲紅者一人貫曲紅者十六人能君碑亦同兩漢書皆作曲紅諸家地理書皆云水流屈曲故曰曲江惟水經云縣昔號曲紅山之名也前書工女大功皆只同用紅字未知水經何所據也按綏民校尉熊君碑除補桂陽曲紅長曾登南豐類藁云周府君碑陰曲江字皆作曲紅蓋古字通用不可不知

蘇文忠九成臺銘

韶州九成臺舊名聞韶臺在城北上建中靖國元年蘇子瞻與蘇伯固北歸郡守狄咸延之臺上伯固謂舜南巡奏樂於此臺宜名九成子瞻即席為銘自書刻石臺上後以元祐黨事碑毀臺廢遂以西城武溪亭為臺下臨武水臺屢廢屢修今碑是明嘉靖丁亥符通判錫書銘首云韶州太守狄咸新

作九成臺玉局散吏蘇軾為之銘末云建中靖國元年五月吉日按蘇集中九成臺銘及南華題名皆在建中靖國元年正月一日考元符三年庚辰五月先生自昌化貶所移廉州安置六月二十日渡海七月初至廉八月授舒州團練副使永州安置十一月復朝奉即提舉成都玉局觀任便居住先生行至英州聞玉局之命故此名稱玉局散吏也是年在韶州度歲次年辛巳正月五日過嶺至南安軍是銘為正月一日作無疑今石本乃作五月蓋重刻時傳寫之訛耳阮志金石畧云碑未有符錫跋云宋碑不知亡於何時至我明嘉靖改元壬午太守周敘刻石丁亥太守唐昇又刻之據此則是碑疊經數刻文字已非其舊如千三百一十有三年千上訛出三字而况得聞其天下訛出籍字建中靖國元年正月訛作五月其不足據可見矣又按東坡何公橋詩洪容齋三筆以為建中靖國元年還自海外時作查氏刻補注本疑其未足據依施氏原

本載人紹聖元年卷中今按英州小市去韶城尚一日之程正月五日即過嶺至南安豈有開歲尚在英之理益見施本為是

文忠書九成臺額

文忠所書銘既亡後人摹其所書九成臺三字一勒符書碑者一勒武溪深碑陰而碑陰所勒較善右曰狄咸作左曰蘇軾書碑陰又有公所書思古堂三字右曰伯通作左曰子瞻書伯通當是狄守字耳其下有九成臺三大字篆書寬九寸高各一尺三四寸左刻新湖南漕文公篆右刻郡守狄咸摸上石阮志金石畧云文公疑即文勛元符三年任轉運判官或是新改用湖南過韶書此狄咸刊石為之畧官氏故但稱文公而不名耳


陳文惠書巖壘亭字

八分書寬長俱一尺一寸咸平四年夏陳文惠公書府志謂亭在城良隅已不可攷今勒此於武溪深碑陰文惠名堯佐聞中人述古之父也其八分最有名點畫濃重世謂之堆墨書今觀此三字信然

陸放翁書詩境字

亦在武溪深碑陰每字長八寸左陸游書三字右跋云開禧丁卯正月書時信孺丞蕭山而放翁退居鏡缺一季八十三矣後五年嘉定辛未信孺假守曲江謹撫刻於武溪深碑陰九月巨莆田方信孺識按信孺字季若知真州有好菴游戲詩境集劉後村序之曰公詩文操簡立成宮羽協諧經緯麗密嘗有題龍隱巖詩云人事百季俱變滅祇應題字不塵埃今此段字亦秀勁足與陸書相配放翁以甯宗嘉泰三年升

寶章閣待制致仕居若耶溪至嘉定二年卒年八十五辛未是嘉定五年



廣東攷古輯要卷三十三

金石二

韶州府

韶州府永通監記

篆額韶州新置永通監記八字碑文正書末云時天子親享明堂之歲十月初三日光祿少卿分司南京余靖記江夏黃

昌齡書並篆額阮志金石畧云記末天子親享明堂之歲十襄公神道碑云祀明堂覃恩遷衛尉卿據續通鑑覃恩在九月此記十月作猶稱光祿少卿者詔未至耳

光運寺碑

寺在府城河西余襄公塔銘不可見今惟存寂通證誓大師碑碑額與文皆正書淳熙三年八月朔立石免解進士章貢孫時敏撰並書文林郎知梅州程鄉縣事主管學事周南張

槃題額

南華六祖墜腰石刻字

石高一尺寬二寸一分中一行鐫師墜腰石盧居士誌八字
右云龍朔元年鐫左云桂林龔邦柱書按曹溪通志云師往
黃梅禮五祖應對契旨恐人害之著槽廠去後五祖至碓房
見師腰石舂米語曰求道之人當如是乎龍朔元年師受衣
鉢南歸石留黃梅上刻云云至明嘉靖間有韶州人仕於黃
梅者持歸曹溪今存焉按六祖傳云造黃梅尋忍大師適咸
亨二年也龍朔在咸亨之前相去十年石上之字當屬後人
所刻故年月不符耳且既稱師墜腰石而又云盧居士誌文
法不相連屬字畫亦不佳未可因龍朔字而目為古刻也又
劉禹錫大鑿禪師第二碑云三十出家六祖生於貞觀十二

年至咸亨二年三十四歲與劉碑合但不知龍朔元年字何
以不符至此且黃梅東禪寺仍有一墜腰石漁洋皇華紀聞
亦載之則此石殆亦未可信也

重刻柳子厚大鑿禪師碑

南華王維劉禹錫碑皆不存獨重刻柳碑猶存曹溪第六祖
賜謚大鑿禪師碑河東柳宗元撰唐元和十一年正月三日
立石蘇文忠書後云子厚南遷作曹溪南嶽諸碑妙絕古今
而南華今無刻石者長老重辯具石請余書其文唐史元和
中馬總自虔州刺史遷安南都護徙桂管經畧觀察使人為
刑部侍郎今以碑考之蓋自安南遷南海非桂管也韓退之
祭馬公文亦云自交州抗節番禺曹溪謚號決非桂帥所當
請以是知唐史之誤當以碑為正按此則碑在宋已不存今

並文忠所書亦無知之者此石乃明嘉靖乙巳韶州守陳大綸重刻大綸跋云傳山人自閩來遁居予出訪因為予書阮志金石畧云碑經明嘉靖間重刻今亦佚矣據東坡跋則唐石化宋已亡而王象之輿地碑目仍云元和十年立蓋據柳集所載未見拓本也不植胡根不耕胡苗兩胡字韓醇本並作手按詩于嗟乎不承權輿爾雅注作胡不承權輿蓋胡乎古通又碑云大鑿去世百有六年按太鑿開元元年卒是歲癸丑推下一百六年為元和十三年戊戌此碑元和十年立則非百有六年明矣疑

重刻蘇文忠卓錫泉銘

明嘉靖戊申至日韶州知府陳大綸推官李龜曲江知縣王欽重立不著書者姓名志稱大綸字豹谷廣西人善書筆法遒勁此銘或即陳所書也

周瑯遊南華詩

石刻五言古詩二首後題兩山周瑯瑯斬水人嘉靖十四年

任提學

胡汝霖卓錫泉亭詩

石刻五絕二首嘉靖甲寅季秋廣東提學僉事蜀左綿胡汝霖題自注云亭有東坡泉銘所見者或亦重刻碑耳

重刻蘇程菴銘

程公菴南華長老辯公為吾表弟程德孺作也吾南遷過之更其名曰蘇程且銘之曰辯作菴寶林南程取之不為貪蘇後到住者三蘇既住程則去一彈指三世具如我說無是處百千燈同一光一塵中兩道場齊說法不相妨本無通安有礙程不去蘇亦在各徧滿無雜壤此宋明學士蘇公軾紹聖元年甲戌八月過南華作崇禎乙亥六月望日電士余大成書後云云知韶州府事實竹楊起鰲勒石文內云大索公

所書卓錫泉銘柳子厚大鑿碑及所作小記而皆非其故徒增憑弔

至元四年鍋字

南華禪堂左廊香積厨有大銅鍋聞其上有至元四年鑄字今已塵積不可盡識洗剔之畧可辨者差督理廣東缺三處地方珠池市舶缺數監太監西晉長治空一李鳳喜捨二十三字

明憲宗御製六祖壇經法寶序符錫書

成化二十一年十一月朔日製序後有嘉靖二十一年夏五月韶州知府符錫拜首謹志是日同知俞慶雲教諭蔡密同加瞻禮

米元章書寶藏字

字長各二尺餘濶各近二尺學博士米芾書此碑元在滄泚司今移英德縣內

米元章書墨池字

二字長濶皆尺數寸許未有康熙丙午襄陽楊柱臣跋稱元章為滄光尉案滄光即滄涯陽山志作滄涯字相近而譌耳

碧落洞諸刻

英德縣西南十五里巖前村羣岫環亘長溪縈紆窮阿盡源呀然成洞唐元和六年周夔羽皇撰到難篇集古錄云南巖周夔又作到難一篇同刻李蕃書所謂碧瀾之下寸寸秋色者也溪水自大洞中出洞旁別有小洞即南漢雲華石室昔劉晟遊此右丞番禺鍾允章為記乾和七年其上有蛻仙臺云壁間鑿到難真境四字行草共長三尺四寸濶三尺五寸不知何時人書明崇

禎中知縣烏程吳永澄作碧落洞記已言有此四字洞含水氣故石壁題刻易於漶滅宋後渚題亦皆不可盡識而求所謂羽皇到難之文竟不可得矣正洞空濶垂乳相向十餘丈其旁洞亦深窅寒氣襲人不可入一野僧居之而雲華室記亦無復可尋也壁上八分橫書碧落洞三字又有篆書碧落洞天四字

王象之碑目云碧落洞楷書三字鄧克柔書隸書三字潘侍書

武功蘇緘宣甫詩此洞誰疎鑿難窮造化原地開疑窟室巖透若天闔蘇色高低路樵聲裏外村雲嵐青欲滴煙壁翠堪捫一帶谿泉急干枝石乳繁鼠飛猶白晝虎嘯近黃昏老木吟風韻枯崖滲雨痕屢遊心靡倦不到日常存眾景能兼有南方可獨尊碧瀾秋寸寸甯負羽皇言皇祐四年三月二十三日書石按此詩清源文獻載之闕屢遊四句

唐介子方碧落洞詩有太

守蘇宣甫邀我訪奇跡之句

許彥先詩崖卷層霄濶溪穿碧玉橫銀河一派水終日瀉天聲玉峯列不盡滿室碧琅玕太始藏靈氣寥寥五月寒熙甯十年丁巳八月彥先被召比歸艤舟琅石遊碧落洞十二日書

徐九思題名云廣東轉運判官朝請大夫徐九思知英州朝散大夫梁立則元豐四年七月十二日遊

楊公濟題名云提點院冶鑄錢楊蟠公濟元豐九年二月三日遊此按楊公濟宋史及東都事畧皆云章安人而蘇詩注以為建州人登科記以為杭人未知孰是今此題亦不著地名字頗古勁

安陸時孝孫詩孝孫自廣東轉運判官受代北歸挈家遊碧

落洞因留一絕云昔經龍洞看飛泉足練穿巖落半天今日
挈家遊碧落蕭然秋色滿晴川男誥侍行時元祐八年八月
初六日也

范閱父題名云元祐八年九月十三日同兄葉子高姪德循
道人丁同遊左朝奉郎充集賢校理轉運副使范閱父題
方希覺題名云紹聖元年七月初十日通直郎知軍州事方
希覺率軍事判官梁迥知浚光縣事初燮真陽縣令何執禮
同遊按何執禮新淦人一作何執誤也

真陽太守遊記云真陽太守方公民先政成暇日行野觀稼
與廬陵董粹承君臨慶梁迥光遠臨川洪敏脩時中清溪李
修季長席碧落洞以飲清初暑也放吟嘯歌幽響如答仰挹
乳溜披蘚讀故篆窺清淺之潛泳聽陰翳之飛鳴溪聲玲瓏

湍激座隅時擊石鼓環山皆蓬蓬乃知人境外樂山樂岳非
絃匏也已而薄晚醉相與還而賓有悵然者曰屈指日十數
公將北轅盍識茲會少慰吾黨別後思也粹於是著觀遊之
勝而修書之於崖陰而刻焉紹聖三年四月十三日也異時
公廉部專帥旌節南下定艤舟缺一尋觀前題而解顏歲月
未幾恍若前日事而舊與遊者尙能如今日復有從公遊者
否公世家莆田希覺名也

馮齊參題名云真陽馮齊參祖仁被命赴柳城教官朱矩方
叔李敦宣道利仲平君倚餞送於此崇寧二年五月二十五
日題

張琬題名云權發遣轉運副使番陽張琬德甫遊碧落洞二
子永嗣永世侍行甲申崇寧三年正月八日題

吳可題名云大觀己丑仲夏臨川吳可邀鄉人王綱筠陽李報上報君來遊希芾侍行

黃叔敖題名云南昌黃叔敖自廣東漕移治湖南維舟琅石遊碧落洞天尋幽探奇周覽彌日男彬彬壑琴攀侍行天台僧子常同來政和強圍作噩孟余三日

郭正仲題名云臨江郭正仲假守是邦因假日出遊鄉人董良佐偕來男綸縝神經侍行紹興庚午立冬日題

林瑛仲題名云長樂林瑛仲高龍城潘喆肇則商河曲就成之開封王秉國庭幹並缺一字冀安仁仲邵武朱尚尚志紹興壬申上巳日同遊

夏子昂題名云東萊夏子昂願之同建安章一得伯愚玉牒趙時迓衡甫三山林震龍驤卿勸農於碧落洞時紹定庚寅

二月十五日也按此云勸農必官於韶者而志無之

顧孺履題名云莆田顧孺履番禺李昂英張逢午偕遊清祐六年二月十九日按顧孺履清熙十一年任英州守

李華七言絕句一首後書建安李華以戊寅入嶺丁亥上元來遊按連州志載李華字實夫建安人嘉定十一年為州司

法嘗建議疎鑿楞伽峽端平二年轉廣東轉運使通志作端平五年任副使詩有十載南遊纔一到不妨重補到難篇之句据此則

羽皇之文當南宋時已不可見矣

符錫重遊碧落洞七言絕一首序云唐聚果寺僧智捷探得此洞始引士人遊羽皇客劉夔始作到難篇余自判及守喜得重遊而明化寺僧如珣乃謀復聚果僧繼晃又作亭於碧落口號紀之石云云案錫新喻人嘉靖中判韶州後復來守

於英德南山石壁得宋嘉祐六年開峽山棧道蜀人張遂募民開鑿王漁洋詩所謂尙憶符韶州架閣擬巴焚是也即所書九成臺銘南華寺碑字亦不俗而何以此文內訛周爲劉豈得自傳聞而疎於考證耶然即此亦見羽皇之文磨滅久矣 昔漁洋先生皇華紀聞謂嶺南古碑刻自昌黎南海神廟碑外以漢郭蒼周府君碑唐周夔到難二篇爲最然二篇今皆無之蓋先生亦未見而據書冊所載言之耳

南山石壁諸刻
 英德南山石壁在縣南一里許鳴絳峯下舊有寒翠亭今圯石壁上尙有寒翠亭三字不知何人書也
 金君卿題名云權轉運使度支郎中金君卿同太子中舍知軍州事會沂遊熙寧甲寅二月十二日

廖君玉題名云知軍州事廖君玉率巡檢王甫從事鄧中育鄉人譚民帥劉暉郡人李謂同遊元豐七年春正月八日題按韶州府志廖君玉字國華元祐間知英州當以石刻元豐爲正不著其何處人

蘇軾題名云蜀人蘇軾子瞻南遷惠州巖舟巖下與幼子過同遊聖壽寺遇隱者石君汝礪器之話羅浮之勝至莫乃去紹聖元年九月十二日書後有跋云東坡移惠過真陽巖舟岸下嘗留墨跡於南山邗人刻之石壁中更毀訾爲好事者磨去上人希賜尙寶其遺墨後四十三年黎陽李閻宰真陽復命工磨崖紹興七年九月十二日清江傅雱跋按上人希賜即洪容齋三筆所載寫何公橋詩碑者石汝礪字介夫號碧落子五經多所論說於易尤契微妙晚年進所著解易圖

於朝爲王安石所抑東坡謫惠州相遇聖壽寺談易韶志載
其有水車記刻南山石壑今亦不見

方希覺題名云大守莆陽方希覺民先率溫陵林業彥忱臨
賀梁迥光遠清溪李脩季長同遊紹聖元年十二月望日題
蕭世京題名云紹聖丙子重陽後二日北上受代遊按蕭世
京建中靖國時任轉運使蘇集中有與蕭世京尺牘

譚粹南山詩一首題云重建南山亭榭輒成小詩廼建中靖
國元年孟冬五日也按譚守重建南山亭榭事韶志不載
馮安上詩留題南山聖壽寺朝請郎前知郴州馮安上詩有
枯崖有字唐元傑古廟無碑舜二臣之句志載滇陽南山昔
舜鳴絃於其上有二臣之祠焉祠今無考矣此刻不著時代
按韶志載殿中丞馮寅之子安上字康國性識穎發行詣精

純登政和二年進士時稱人才之盛咸曰嶺南二馮官吉州
別駕尋改廣州權知梧州軍所至有政聲

三山學圃陳先生醉時歌大醉坐餓卧小醉薑香湯一月二
十九日醉百年三萬六千場鶯花無主春如客歲月可閑人
自忙請君相就飲幾日世間窮達天茫茫嘉泰元年重九日

朱子更書

按陳先生
者陳搏也

繆夢遠修寒翠亭記云淳祐壬寅東嘉繆夢遠來守古英暇
日考圖志搜覽南山勝槩莽爲荒墟詢諸耆舊漫不省委廢
歲月於是披荆誅茅首卽寒翠故址而加闢焉市材傭工於
旁郡重建斯亭積壤爬剔佳石畢露季秋上澣集郡僚以落
其成因鑱崖壁庸告來者嗣而葺之庶其永存

顏得遇招撫峒猺歌宋淳祐五年歲乙巳月甲申日庚戌英

郡太守帑院壺山顧先生檄攝征廬陵蕭宗遠招撫峒獠卽
期來欵駢首心皈斯甚盛事且俾攝郡博士仙遊謝升賢暨
聯宋以醴鎡勞之福星館飲徹糾曹達峰顏得遇書勒南山
載以歌云云檢韶志淳祐間無顧守惟顧孺履淳熙十一年
任英州守按李文溪碧落洞題名與顧同遊在淳祐六年正
與此合其題名曰莆田亦與此刻壺山相合此顧守當卽孺
履且有撫定峒獠之功尤不可使後人不知其名而志皆闕
焉是可憾也第据此則志中淳熙當有訛字又不應載在嘉
定周守之前然慶元間之余守志乃載在熙寧之前何足深
辨乎

李昂英題名云番禺李昂英攜兒守道友張逢年來遊淳祐
六年二月十八日

戴有孚詩行遇連晨阻南山且縱觀地盤江百轉雲逐鳥雙
還秋老菊堪釀境清人未閒泊舟但圖史勿復愧微官八月
博士半塘君遨遊南山吉郡聖山戴有孚按有孚永新人嘉
靖三十三年任韶州府通判

案象之碑目英德府碑記條下有唐李蕃南巖亭記元傑

果業寺開洞谷記阮志金石畧云元傑開洞谷記與地碑
目兩載之一在南雄州題云開東嶺洞
谷銘一在英德府題名果業寺開洞谷記今考之實一碑
耳又唐詩紀事云元傑有滇陽果業寺開東嶺洞谷銘並
序按滇陽即慶元三年陞英德府果業寺卽南山聖
壽寺與此刻正同可證王象之載入南雄州之誤

又涵暉谷壁上元傑刻銘及涵暉谷等字又唐人刻煮茗
臺字又浚光縣開元佛寺頂心經字畫遒勁似虞柳所書
今皆不存

又案英德下流五十里有峽山廟一曰大廟舊有秦時犧

尊制作奇古未宣和間有取之者舟出峽風濤大作懼而還之廟中今亦不知何在矣又王漁洋北歸志載大廟峽貞惠夫人祠有宋嘉定碑稱虞氏英州人生能抗黃巢之鋒死能制峒寇之暴蓋唐人也今碑亦不存

泐溪石室諸刻

樂昌縣西三里有泐溪巖一名仙人石室巖高三十餘丈石室在其下高三丈廣五丈有磨崖樞室二大字相傳陸羽所書字長寬各三尺餘無題款又傳有陸羽題名訪之不獲余靖同遊泐溪石室記篆額文凡四百三字未云今天子親享明堂之歲三月二十五日光祿少卿分司南京余靖記文林郎試秘書省校書郎知縣事黃昌齡子京書立並題額邑佐潘彥龍同立石曹溪僧智原刊字

李宗儀題名云熙寧六年冬臘後二日提點刑獄南康李宗儀按部來遊時招邑東李勃李巖兄弟同觀祖師石牀及陸羽題名邑簿邢道卿從行

僧懷清題名云予將去此而歸楚與同郡胡若濬若浚番陽朱企賢邑人區若愚刻名於西巖石壁時至正十一年辛卯七月十五日豫章僧懷清題並書

石室內又有一碑曰飛來碑刻真武贊八句句四字其字似草似篆不可盡識云自武當飛來蓋妄說也

余襄公就石院

在韶州翁源縣淨源山石壁上余靖撰末云皇祐元年八月日記至和三年三月建頴川巢玉書進士巢迪篆鄭祚刻大覺禪寺大慈雲匡聖宏明大師碑銘并序

在乳源縣雲門山大寶七年陳守中奉勅撰龔澄樞奉勅建沙門行修奉勅書碑內稱漢明帝為我祖又稱睿聖文武隆德高明宏道大光孝皇帝此謚十國春秋無之陳守中行修俱無傳又十國春秋有僧文偃傳即此碑所稱大師也傳云謚大慈雲匡真宏明禪師真字蓋聖之訛

案王象之輿地碑目韶州碑記條下有乾符元年重修東廳壁記長慶元年新修虞舜廟碣文白居易張尚書碑銘皇甫湜朝陽樓記余靖修衙記韶石亭記湧泉亭記真水館記張栻濂溪祠堂記楊萬里州學張公余公祠堂記朱晦菴州學濂溪祠堂記四齋銘崇德廣業居仁由義四齋今皆不存

惠州府祭器識

惠州府學銅簋四銅簋十皆陽識延祐乙卯教授鄭焱孫任內置海豐教諭梁若水掌儀邱子昌督工吉安鑄匠楊榮甫

野吏亭詩碑

陳文惠野吏亭在惠州府城北堞上與合江樓相近中祠文惠亭中凡四碑紹聖初蘇文忠題壁一段已不存矣其最西一碑至和元年十月三日立進士黃岳書中刻陳文惠惠州野吏亭詩並序尚書屯田郎中知軍州事黃仲通述中載三詩前詩題云野吏亭新成作五言十韻律詩一章陳堯佐野吏厭公堂開軒出郡墻殘花炎帝國斜日尉佗鄉疊巘分諸粵重江截大荒耕桑蠻聚落烟火漢封疆雲勢飄蓬島天形壓夜郎扁舟聞得侶嘉樹遠成行海雨千林暮春風百草香人家浮浩淼鳥道沒青蒼爽塏吟魂健虛明夏景涼他年重

廼首年落魄甘棠後詩題云寄題惠州野吏亭五言小詩二
章金紫光祿大夫行給事中參知政事柱國陳堯佐羅浮山
下郡樓閣枕滄溟誰得閑中意清風野吏亭山好曾留句城
高復創亭登臨千萬景誰與畫爲屏後附黃仲通詩題云仲
通載葺是亭備記遺烈因成蕪綴附於末焉危亭治舊基登
覽一何奇萬態羅浮景三章宰輔詩嵐光如畫處霽色乍開
時味此幽閑趣惟予野吏知

東坡故居井欄字

歸善縣後白鶴峯東坡故居中爲思無邪齋齋銘已不存矣
壁間有萬曆庚子晉江鄧鏞詩草書左有東坡祠前楹曰德
有鄰堂右曰翟夫子宅又有珠池墨沼德有鄰堂之後有井
井欄有銘云坡井慧泉鑿汲皆仙深四十尺缺一字五百年後

欵三行剝泐不可辨亦不知所謂慧泉者何所指也堂側詩
碑如嘉靖五年中秋日南昌東潭涂相嘉靖乙丑閩人陳聯
芳萬曆乙酉巴郡葉瀛汪言臣字皆佳

西湖元妙觀蓬萊二字

西湖志載觀有蓬萊深處四大字宋秋江釣叟筆亦不知秋
江釣叟何許人也今僅存石刻蓬萊二字八分書逕五寸

羅浮石刻

水簾洞口刻篆書羅浮二大字廣丈許顧俠君云清熙間郡
守睢陽吳良男有篆
右刻清熙已亥良月望日八字初入有五龍潭東一石刻五
龍堂三字南一石刻龍門潭三字北一石刻講經位三字又
入有小石刻朱明洞天四字又刻篆書長壽澗三字下刻聖
宋皇祐二年冬閏十月二十七日提點諸州刑獄太常博士

范陽祖無擇題書三十一字又入刻宋郡守師顯行識遊處
九字溪旁一石刻郡太守師顯行觀青藜杖十字旁刻景定
甲子歲十月又至大王屋山十三字餘不可辨師顯行眉山
人景定四年
知惠 玉女峯下半里舊水簾洞壁上刻水簾洞三字有明崇
禎間知府梁招孟巡按御史李雲鴻題刻皆漫滅自南樓寺
基大小石樓至蝦蟆石路甚險峻石上刻小飛雲三字朱明
洞天四字飛雲頂中路刻飛雲二字大逕丈伏虎巖前大石
刻潮音二字華首臺東溪刻洗心石三字玉鵝峯巖石峻絕
刻千丈巖三大字飛雲頂之西有巨石如臺刻鳳凰臺三大
字寶積寺右有石池刻林一仙洗藥池六字深寸許旁刻詩
云巨石自成仙飛泉崖上落繽紛散烟霧草樹相噴薄戛石
流錚錚清冽不須瀾林一仙者誰何年來採藥尹任曰嘗讀

列仙傳諸書未嘗見林一仙之名竊疑林字一字之間尚有
十字年久磨滅致認為二蓋堃仙洗藥池也黃龍洞口刻黃
龍古洞四字洞中刻八卦臺三字予所厂三字又彌唐書堂
四字彌唐龐嵩也八仙石上刻八仙詩云溜流青嶂瀉溪灣
漱石飛雲湍復還琥珀杯深誰共飲八仙齊會賀堃年黃龍
洞天華宮故址左為含陽門右為起雲門刻石猶存萬曆戊
子歐大任猶及見之路旁澗下多瀆熙皇祐間刻字此條惜
未得其
詳南漢劉鋹於羅浮黃龍洞建天華宮使在丞鍾允章為記
見廣東新語而十國春秋鍾有章傳云有章尚書左丞允章
之弟少有文學與允章齊名官翰林學士中書舍人後主初
嗣位建天華宮於羅浮山命有章為之記辭采宏贍然則記
有章者鍾 石洞厓上刻逃菴記逃菴前刻洗耳泉三字在絕
壁上旁刻閩人林民止為化甫葉先生題十二字廣東新語
葉化甫逃
菴萬曆丁丑云南海朱完者 泉上刻穿雲絡石四字始蘇
篆書鐫之字大六寸許猶存

沈麟祥題左絕壁刻霍光玉過訪不遇留題九字又刻有詩
石洞山房之後有四巨石狀如老人科頭箕踞參差相向刻
四老坪三字廣可十丈葉石洞筆也今一巨石墜下祇存三
老矣湯泉在白水山下石壁有宋嘉定中刻湘陽黃孟容蒲
陽葉次魏方龜年因勸耕瀹茗於此凡二十字以上十二則
皆盧挺鶴亭羅浮山囊所紀而長洲宋廣業澄溪羅浮山志
會編述之王象之碑目載有梁羅浮山銘梁肅宗撰肅世貞
肅宗蓋肅
譽之謬書大同元年立今不可考按阮志金石畧云梁無

龍川白雲巖石字

白雲巖有韞玉亭三大字又一段刻云嘉祐二年丁酉七月
乙酉郡太守陳侁同田曹外郎黃汝礪遊白雲巖杜簡陳琪
陳階王宜與焉會伸書又一石刻承議郎知郡事譚粹朝奉

郎前知潮州海陽縣事舉君卿承議郎命書惠州判官廳公
事深立賢同遊右侍禁同巡檢王從政三班奉職新監惠州
河源縣鹽稅梁格軍事推官廖蒙錄事參軍張弋龍川縣令
吳邈從行大宋元祐三年戊辰歲二月三十日記

篆象之碑目載惠州碑有唐博士佛跡記五代偽劉時僧
惠進瑞像記循州碑有唐儀鳳中刻威惠紀功碑開元中
白鹿石刻宋至和二年霍山記今皆不存

潮州府

韓文公廟碑

元祐七年三月己酉龍圖閣學士左朝奉郎知揚州軍州事
充淮南東路鈐轄蘇軾撰文見東坡文集

吳文正韓山書院記

至順壬申七月己亥前翰林學士資善大夫知制誥同修國史臨川吳澄撰朝列大夫同知潮州路總管府事邢讓書丹文信國沁園春詞

詞云為子死孝為臣死忠死又何妨自光岳氣分士無全節君臣義缺誰負剛腸罵賊張巡愛君許遠留取聲名萬古杏後來者無二公之操百鍊之剛人生翕歛云亡好烈轟做一場使當時賣國甘心降虜受人唾罵安得流芳古廟幽沉遺容儼雅枯木寒鴉幾夕陽郵亭下有奸雄過此仔細思量石調沁園春乃宋丞相文天祥留題張許廟作也在吳文正韓山書院碑陰明萬曆閒章邦翰重立

金山拙窩字

金山在潮州府城北面廖槎溪通判潮州刻周子拙賦於山

崖並以朱子所書拙窩名亭今皆不可見矣惟有題拙窩七言絕句二首八分書末云嘉定丁丑重陽日處菴趙清卿又有清輝同趣四大字篆書末云丁未春靈武王用文書又有石刻青天白日四字

溪山第一四大字

金山一石勒溪山第一四大字行書後題晦翁二字有跋云閩副憲周賢缺一字總戎戚繼光提兵過潮登山覽勝迺勒晦翁墨跡於石時嘉靖乙丑仲冬望日也郡人鄭缺書

伏虎石字

石在金山之麓明總兵俞大猷刻銘其上云有漢將軍射此伏虎不洞貫之乃止沒羽

鄭伸築城碑

黃東坡古輯要卷三十三 金石 十六

金山有宋至和二年知郡事鄭仲磨厓築城碑在山椒王象之碑
目云金山有始開金城山及韓山詞記郡中題名並刊於石
西湖山石字

山在潮州城北一里許下有水名西湖其山碎石疊空巖洞
畢具有大中祥符六年二月十五日太常博士知軍州事王
漢刻詩一首又有雁塔二大字蒙泉二字皆三山林會書

案王象之碑目載潮州碑記條下有韓退之元和四年題
名並大顛壁記又載唐貞元三年李公亭記又陳文惠招
韓辭今皆不可考矣

潮陽縣高明亭石刻二段

一段云己丑大觀四年春邑宰厯陽孫允升創建是亭同巡
檢新會林子正監稅龍溪王繼祖越庚寅中夏邑簿封川區

次仲同遊縣尉莆陽阮功遠謹題

一段云泉南楊壽翁福唐梁允成玉牒趙安民天台王商老
溫陵吳信行王文中莆田劉仲宣紹興戊子重陽同集於高
明亭新泉

澄海蓮花峰字

蓮花峰三大字相傳是文信國書今在潮陽海門港中字形
拙俗不類信國之筆旁有癸未三月吉日字

李前刻石詩

澄海獅子山有宋鹽場官李前刻石詩前哲宗時人

肇慶府

乾甯四年鐘款

肇慶府署大門譙樓上有銅鐘一欸云維乾甯肆年大歲丁

已玖月乙丑朔拾以下不辨按秦碑惟一二三改用茂密字其四以下改用肆之類不知起於何時唐開成中國子學所立五經文字石碑一二三四五六七八九十百等字已皆書為壹貳叁肆伍陸漆捌玖拾伯矣顧炎武云朱即漆之草書今作柒又柒之省顧又引程大昌演繁露洪容齋隨筆諸說蓋此十字之改少畫為多畫亦非出於一時其自肆至拾皆取壹貳叁之法寫之則顧云出唐武后時耳

玉皇寶鼎四字

七星巖玉皇閣鼎一高尺圍五尺其下篆玉皇寶鼎四字不著時代阮志金石畧云宋朝事實大中祥符二年詔天下建道觀以奉三清玉皇此鼎豈即是時製耶

陳白沙書包孝肅詩碑

在肇慶包公祠詩云清心為治本直道是身謀修幹終成棟

精鋼不作鈞倉充燕雀喜草盡狐兔愁往牒有遺訓無貽來者羞廬州府志載此詩題云書端州郡齋壁字句與此小異此碑字勢奇古蓋用茅筆書也

陳白沙書肇慶城隍廟記

宏治七年甲寅夏六月古岡病夫陳獻章記並書記為郡守豐城黃琥作字帶行草

七星巖諸石刻

端州石室記正書字逕寸許在大巖洞口開元十五年正月二十五日李邕撰按元宗東封之舉始於開元十三年冬十邕於汴州謁見累獻詞賦頗自矜衍張說惡之發陳州驥事抵死以孔璋止書救之乃貶欽州此記當是赴欽州時所作後刻云宋乾道己丑秋九月乙丑陶定觀潘未金石文字記補遺云七星巖古名定山亦曰崧臺有洞通明宛委記刻在

洞門石壁不類北海書集古錄疑為張庭珪書歐陽集古錄云端州石室記不著書人名氏考其筆蹟似張庭珪書庭珪長於八分凡邕文而庭珪書之者皆人分此則正書恐未然也按鄭氏通志金石畧張庭珪所載入李邕所書碑內是亦一證記中云有若邦伯旱公開元時有畢刺史者為宋璟所稱早當作畢是摹刻之誤按張文獻有安南副都護畢公墓誌銘蓋嘗刺端州也

景福二大字在七星巖口長寬各四尺有奇相傳為李北海

書據宋熙寧間康衛詩云天墜七星星人間書景福則此二字為北宋前書審矣

石室李紳題名云李紳長慶四年二月自戶部侍郎貶官至

此寶歷元年二月十四日將家累遊案鄭氏金石畧及諸道石刻錄載魏元忠端州

石室題名今未之見

賈守文題名云天聖戊辰歲二月二日將家累缺遊知郡事

賈守文記正書守逕寸餘

楊備詩刻玉洞雲深夏亦寒客來尋勝久盤桓其間隱約聞

雞犬應有仙桃待一餐景祐丙子冬十月癸丑知恩平郡事

楊備題正書左讀

包孝肅題名云提點刑獄周湛同提點刑獄錢韋知郡事包

拯同至慶歷二年三月初九日題正書字寸餘阮志金石畧云宋史職官

志提點刑獄公事淳化三年置以朝臣充後罷歸轉運司景德復置武臣為副以閤門祇候以上充此刻稱同提點刑獄

豈即史所謂副那周湛字文淵登州穰人宋史有傳不載提點刑獄

朱顯之題名云慶歷壬午歲臈日郡守將朱顯之同監軍麥

仲珣獄掾楊仲卿攝宦梁揆鄉秀崔宗周合浦貢士梁立本

遊茲勝境顯之謹題男諷捧硯詢詠侍立

張肅題名云慶歷六年正月十四日轉運判官太常博士張

肅子莊至此男才卿才堅才獻侍行才卿奉命題

宋克隆題名云西京左藏庫副史新知宜州宋克隆同侍禁
劉政赴任鬱林監軍皇祐元年十二月二十二日題正書字
逕二寸

陶翼書端州崧臺石室文云混元喪精天地均氣融州結山
曷嘗私於一物哉而韜奇毓怪絕與類殊疑得造化之偏者
其崧臺石室歟崖斷穴露呀然而闢闢嵌崿剝截辟掀層巖
劃巨石頑青老碧將墜復屹交撐互撐如竦如立龍蛇蟠蟄
烟雲出入中敞平地廣敞側環翠壁踰仞滴乳成柱凝嵐作
蓋若非神驅鬼役鑿空架虛不棟不榱疇克其壯又不知列
仙移來真宰匠出吁其偉乎圖經謂帝觴百神之所亦九九
小洞天之一也谿泉清冷林鳥嘲啞猿跳獸擾藤嬰薜纏春

葩夏颯秋菊冬桂皆常常景物奚足詫尚去夏五月儂寇軼
境二廣騷動朝廷命翼參掌漕計助餉軍實明年春賊平每
按部西江停舟下瀨與前郡守曲臺丁寶臣元珍今郡守殿
省江東之唐公乘公之休縱遊為樂窮幽挾勝饌心飽目因
狀厥實用示其來炎宋皇祐五年癸巳仲夏首吉潯陽陶翼
商老文

濂溪周元公題名云轉運判官周敦頤熙寧二年三月七日
遊軍事推官譚允高要縣尉曾緒同至按曹學佺名勝志云
熙寧五年壬子七月二十五日恐是傳寫之訛阮志金石畧
敦頤傳熙寧初知郴州用趙林呂公著薦為廣東轉運判官
提點刑獄又陽春巖有元公熙寧二年正月題名則名勝志
云五年誤也石刻二年三月七日
六字尚明了學佺殆未審讀耳
康衛題名云提點刑獄尚書郎康衛寶臣同提點刑獄文思

副使王咸服叔平熙寧二年己酉歲三月初六日同遊郊社齋即康聿侍郡牧守殿中丞陳懌題勒上石又有康衛再經舊遊寄呈知郡殿丞詩二首及陳懌和韻詩二首熙寧二年三月十八日勒懌書 郭功父石室遊篇在石室內景福二大字之上行楷磊落飛動後云宋元祐戊辰二月廿有八日當塗郭祥正子功來治州事即明年以其日上書乞骸骨作石室遊一首刻之崖間記其姓名與山俱盡前一行云戊辰三月晦日高要會合孝傑謝公山人郭祥正同遊

鄭敦義題名云上自端王即位升潛藩為節鎮開府之初叨奉明命辛巳夏未到官字缺一王午暮春晦日攜家來遊真陽

鄭敦義案文獻通考元符三年陞興慶軍節度使徽宗即位以潛藩陞為肇慶府即其事也辛巳為建中靖國元年王午為崇寧元年

古革題名云政和丁酉暮春程江古革逢時初自新昌移守興慶是年仲夏真陽馮齊荀祖道起於祥除來貳府政相與咨詢有請於朝次年春乃被旨陞作大藩政平訟簡歲豐民樂偶乘間暇屢訪茲巖酌泉泛觴歷覽佳致因誌歲月勒於崇崖時政和八年八月二十日書

韓敏求題名云韓敏求朱程中鄭子承子正吳唐輔同叩星巖石室觀李公垂泪北海墨刻紹興辛亥十一月己酉張達明題趙靡紀遊詩五古二十四韻後題云浚儀趙靡和仲以清熙二年乙未來守肇慶適當彈乏後以拙直理郡事日不暇給逮丁酉孟秋秩滿府僚俸給不積車土廩餉如期尤幸聖澤遠被雨暘時若歲事豐穰缺平盜弭後使君過戊月未至始得與郡官同遊茲巖因賦詩命刻諸崖以紀時教授邱微之

夢錫節度推官權倖許通亨之錄參傳濤次山高要令范念祖德修司法邵穆幹臣四會簿尉權司理林奉先紹德高要簿李缺一師悅尉黃補季全兵馬都監李濟巨川監押趙缺一字冲太和同巡檢許俊少清前巡檢宮良弼彥輔寄寓前東莞邑宰孟栝幹自同來實十月惟前教官林致覺之戎官趙彥濬以數十日前離任不與此行缺一是郡守之子瀟曰伯清湜曰伯正泌曰伯淵缺一曰伯廣缺一曰伯潤汲曰伯升女曰淑好淑儀淑懿缺一奉其母劉來遊劉氏光烈之子光世之姪

鄭起沃題名云蒲陽鄭起沃汝說丁伯桂元輝鄭鼎新中寶五仙曾潛達之建安張毅然仁叟三衢曾煥黃中秦郡趙善邨國成清漳梁傳巖與黃擇中夫三山黃壁舒文王澤履之

臨安李岳山甫開封陸濟巨川以寶慶改元正月五日同來趙崇垓題名云端平乙未嘉平朔後二日權郡貳羊石趙崇垓德暢侍母偕權理曹新興甯合清源曾純景亮法椽三山趙彥蟠源叔權糾高要簿清源趙錚夫君玉寓公提屬清源莊士雄仲傑攜家同遊源叔子澣夫德暢子必錚侍聊純歲月云題名前刻曾純及趙崇垓唱和詩二首

區永年題名云星巖端之勝旣嘉熙戊戌歲重陽之明日區永年呂章李德秀倫冠卿楊天起區億年林時英梁延祖李伯震衛觀光梁光祖李伯常趙彥銘張攀鄧賓之黃天祐陳英元梁巖叟李季英葉達可趙漉夫趙若滢同遊

月忽乃題名云燕京月忽乃以中順大夫柳州路總管府達魯花赤易守是邦公餘率僚屬來觀一竅通明萬象呈露勝

境也故鐫此以紀曾遊時至元戊子修禊前一日刻後洞觀
音像傍其石本是宋梅溪劉公德政碑而此壓刻其上字逕
二寸許正書

王守仁題名云嘉靖丁亥臘月之朔新建伯餘姚王守仁來
遊

三洲巖諸石刻

祖無擇題名云祖無擇來皇祐二年二月望日

金君卿題名云轉運使度支郎中金君卿熙寧八年三月初
九日遊男哲民俊民侍行

傅泰光題名云江西傅泰光假守晉康經此男球琳玕侍行
都巡黃彥林端溪縣尉孫慎微預遊政和四年甲午七月初
十日門人張傳題

趙慶裔題名云紹興壬子十月廿有二日俊儀趙慶裔長吉
同弟廉裔叔隅方裔季矩姝穠種奉親來遊三洲巖八分書
姝卽姪字

留題三洲洞宰端溪蕭淵言七律一首正書又有正統八年
二月總督王清詩成化二年閏三月姑蘇韓雍詩成化六年
余志詩成化癸巳按察使呂洪詩嘉靖乙丑仲春按察司僉
事施儒詩及杉谷魏良貴詩東吳王鼎詩
雲窩二大字嘉靖丙午參政張烜書

又德慶州志載三洲巖有題云東坡居士自海南還來遊武
陵弓允明夫東坡幼子過叔黨同至元符三年九月二十四
日也今此段石不知何年劈去其旁猶有東坡遺蹟四字可
辨

志又載巖內題云濂源周敦頤茂叔熙寧元年戊申年十月
六日遊此段訪之不獲

又廣東新語載三洲巖有李綱題玉乳巖三大字祖無擇銘
之然今覓李綱所題字竟不見李綱南宋人祖無擇何從而
銘之耶此記載之可笑者也

陽春巖題字二段

周元公題名云轉運判官周敦頤茂叔熙寧二年正月一日
遊登仕郎行縣事梁鄰令工刊

祖無擇題名云予因按部稅駕此山皇祐二年仲冬月十九
日范陽祖無擇記庚寅歲端州匠人黎善誘刊 以上二段
並在城北八十里銅石巖石室前德慧寺上半壁間巖又有
濂溪題句及胡邦衡詩又龍蛻巖有元至正間刻字

封川縣廳東紹興恤刑碑

碑額篆紹興恤刑手詔六字文云廷尉天下之平也高柔不
以明帝喜怒而毀法游肇不以宣武敕命而曲筆况可觀望
臣庶而容心者乎曹翹謂小大之獄雖不能察必以情爲忠
之屬也可以一戰不其然乎可布告中外應爲吾士師者各
務仁平濟以哀矜天高聽卑福善禍淫莫遂爾情罰及爾身
置此座右永以爲訓仍劄付臺屬憲臣常加檢察月具所平
反過刑獄以聞三省歲終鈎考當議殿最紹興三年正月九
日

恩平大田峒磨厓平徭記

在縣西北石圍口山厓上至正癸巳十三年十二月良日儒
學正鄭文缺記

陳白沙恩平縣儒學記

恩平學記成化十八年壬寅冬十二月古岡陳獻章公甫為縣令莆田翁儼撰文丁未春三月知縣陳漢昌求書立石文具載為邑始末歸於教民忠信書法古逸帶有分隸遺韻

案肇慶石刻自七星巖外王象之碑目所載元符三年端

州陞興軍詔今不存碑目又載李習之題枕柳亭一段

畧朝隱撰王麟行書景龍二年戊申九月十七日建又載德

慶府唐新修龍母廟樓碑李景休撰郭齊正書大和六年

正月一日記今亦皆不存

朝隱撰王麟行書景龍二年戊申九月十七日建又載德慶府唐新修龍母廟樓碑李景休撰郭齊正書大和六年正月一日記今亦皆不存

廣東考古輯要卷三十四

金石

高州府

靈湫巖題字

高州靈湫巖石壁刻云仙谿林上飛升卿江西劉德驥彼稱徐樛巧才胡銓挹衡同遊龍湫湖南李澈彥澄後至酒三行策茗盃動彈清江操權不足而適有餘天公孫埤廷錫命刊石紹興丙子冬以下不可辨此刻字頗麤拙不知是忠簡筆跡否案林艾軒集云胡邦衡書形摹濫觴發於小篆

觀山刻字

符成西觀山下臨鑑江石壁刻川上二字不著書者名氏案洗夫人廟在郡城東一里潘仙坡上廟碑今不存王象之謂碑目謂

廣輿記古輿記卷三十一
碑石極古其光瑩然天日晴明可洞見人物往來
影乃鑑石所製也然蘇文忠詩已云碑版漫無餘
浴沂石字

電白熱水池旁有石牀上鐫浴沂石三大字旁款云嘉靖己
未編修程文德書

廉州府

利仁路外星罍戶鄉天屬童社昭光寺鐘銘並序

是歲二月有人自葆和持書一紙來京師謁余於東關余受
而閱之乃甯衛將軍管領南柵聖翊軍賜金圓符陳遣乞鐘
碑銘之書也其言曰遣於曩歲與諸將奉命西伐軍次單哈
海口與士卒漁於海畔偶得茲鐘視之無窈榘之形叩之有
瀏亮之聲頗若新出於鑪鞴者遍示諸將皆以爲吉兆乃載
歸童鄉函於先人所作之寺今歲新寺成將以其年三月設

開光慶讚法會茲以鐘碑並未有銘敢丐公一言刻之以詔
於將來俾後之觀者有以知得鐘爲寺之因由斯遣之所願
也余謂物於天地間無有逃乎數者况鐘乎夫不得於他人
而得於甯衛之手不淪沒於波濤洶湧之間而舒揚於殿宇
森嚴之上豈非數歟然不知甯衛得鐘耶鐘得甯衛耶以爲
甯衛得鐘則不過擅利鐘之用而已以爲鐘得甯衛則鐘之
所以期於甯衛者遠且大矣鐘云鐘云音聲云乎哉銘曰嗚
呼斯鐘八音之一沈於海波殆成棄物數不可逃理有可必
舉網得之一朝浮出濯爾泥污發爾精明穹窿其質瀏亮其
聲乃載之歸童鄉之寺懸之飛樓用爲法器甯衛得鐘眾人
所云鐘得甯衛惟余所聞尙揚乃武以樹乃勳與鐘俱鳴永
永無垠皇越昌符九年歲次乙丑春二月下澣日光祿大夫

守中書令兼翰林學士奉旨賜金魚袋上護軍胡宗鶯撰中涓大夫內寢學生書史正掌下品奉御阮廷玠書御前造作內局阮廷鑄今在廉州府學府志云昌符當是安南國王李日尊僭號所云九年乙丑則宋仁宗天聖三年也吳震方嶺南雜記云無銘識殆傳聞失實耳案宋史交趾傳日尊之嗣爲王在至和二年其稱帝在熙寧二年終日尊之世無乙丑而史載日尊自帝其國國號大越改元寶象又改神武無昌符之號攷之越史略則昌符乃陳氏紀年之號其書三卷不著撰人名氏卽撰於昌符之時載至昌符元年丁巳而止計其九年乙丑是明洪武十八年也可證府志之誤矣

雷州府

西湖石刻字

湖上有亭左刻曰狀元生嘉靖十九年同知孟雷書右刻曰西湖平嘉靖二十三年知府長樂林恕書又一石刻召伯所說四字萬曆癸卯清漳林日所題湖旁天甯寺前有石坊鐫萬山第一四字後云東坡書蓋僞作也志云宏治丙辰太監陳榮所勒陸公泉字

雷州城北二十里有泉清冽明嘉靖間龍游人陸瓚知府事民以泉比其清建亭勒碑曰陸公泉

湖光巖三大字

遂溪縣城東南七十里一巖絕壁去地四仞許上有宋李忠定所書湖光巖三大字

案李忠定尙有題刻二處今皆不見矣王象之輿地碑記目全載其文一留題云余謫萬安行次雷陽適海南黎寇猖獗

難阻留寓天甯丈室累月聞官軍既破賊即日戒行南渡次
瓊管不三日祇奉德音蒙恩聽還往返才一十日復天甯舊
館建炎三年歲次己酉李綱伯紀書一威武廟碑陰記云故
翰林蘇公謫儋耳既北歸作漢伏波將軍廟記迨今踰三十
年未克建立綱以罪謫居萬安遣子宗之攝祭默禱於神異
時倘得生還當書蘇公所作碑刻石廟中以答神貺時建炎
三年李丞相綱文又云伏波將軍廟碑東坡文有兩伏波前
伏波指路博德後伏波指馬援也雷州新學記嘉祐八年余
襄公文雷州城記胡銓文又云南軒先生脩學記前記在乾
道六年後記在淳熙四年

瓊州府

慶元創小學碑記

瓊州通守劉公創小學記慶元丁巳中夏朝奉大夫前權知
瓊州軍州瓊管安撫都監溫陵莊方記
元至正瓊州儒學置書碑

至正十一年辛卯學錄廬陵羅益中記從仕郎海北海南道
都元帥府都事宋汝弼書

瓊州府學祭器記

成化八年冬十月翰林侍講學士兼修國史充經筵官郡人
邱濬書

案學舊有朱子記並書明倫堂扁今石與扁俱不存碑目瓊
州學記朱晦翁作見晦翁集蓋亦未見石刻也

瓊山東潭石巖字

瓊山縣東潭都石巖下有平石深及丈左刻云貞元二年

字 八月丁卯僧字缺四鑿為記字缺四光法名無我以下不可辨
右刻熙甯甲寅秋九月中休俞瑛率王憲自梁敘同遊男字缺
字書

瓊州府學大宋平黎頌碑

紹定四年瓊山賊王居起為亂明年出師又明年平之承議
郎通判瓊州軍州兼管內勸農事借緋游寵進頌三十一章
並序

浮粟泉字

泉在府城東北隅二里許府志即指為蘇文忠雙泉之一舊
有洞酌亭今為蘇祠祠有石刻公像泉上一石勒浮粟泉三
字云是公書 城內使院後一泉土人亦呼東坡井上有明
萬曆八年庚辰西蜀唐可封重刻文忠洞酌亭詩並引引中

自是作旦昃

瓊志云近志或以城內者為雙泉誤也當即指
飲息掘地起亭得一古碑旁有東坡行草
書蹟其碑為翁守攜去汝遇仁和人進士

案王象之碑目瓊州碑記內載李忠定乘桴浮於海賦碑目
建
炎元年李丞相綱自滄移謫萬安軍已渡
海至瓊而德音聽還想必是渡海而作也
昌化軍碑記內載
東坡六無帖碑目云東坡謫儋耳貽書江浙士友云食無肉
出無友居無屋病無醫冬無炭夏無寒泉見瓊
志又萬安軍碑記內載李忠定瓊州華遠館題壁文今皆不
存

連州

燕喜亭諸刻

亭在連州城東一里許韓記古刻久不存矣文見昌黎集記
有明時重刻碑
唐刻不知亡於何時阮志金石畧云方崧卿嘗據以亭左磨
校正韓集王象之輿地紀勝猶載之則南宋猶存也
崖勒燕喜亭三字旁曰東臺山人書其對面有臥龍亭三字

款同又有振鷺亭三字字各選三四寸按志舊有湖上十亭
元豐十二亭紹興十二亭皆以燕喜冠之其下多出後人所建
元豐之亭則元豐初郡守杜并有刻石記而今無矣紹興之
亭紹興間郡守陳日華重立臥龍振鷺其二也

向宗道陸琮題名云權發遣廣南東路轉運使公事尚書職
方郎中向宗道元伯尚書虞部員外郎知連州軍州事陸琮
寶之同觀燕喜亭舊跡遂遊北禪寺熙甯辛亥三月二十七
日

金傑題名云假守金傑屢同郡寮會賞於此癸丑歲題癸丑當是熙甯六年
韓揭題名云缺四甫字甫缺五環純中韓揭表之朱慥相顧林碩

子鎮同遊燕喜歷覽韓劉遺跡酌天澤泉試北苑井薄暮而
還元豐辛酉仲夏上休日題

張魏公題名云缺一字巖張浚攜子棡遊燕喜亭陽山唐賦
陳宗諤歐陽獻可歐陽相武夷缺一字翔湘僧元真蜀僧宗阮

大朴同來皇宋紹興己巳缺一字似是清明前一日浚書按州志載
陳宗諤字昌言張魏公喜與論文歐陽獻可字晉叔學為古

文為張魏公稱賞皆州人武夷下缺字似是宋宋翔字子飛
建陽人紹興二十一年進士官湖南安撫參議有梅谷集建

陽與武夷亦合或即此人乎魏公於紹興十六年以星變言
事忤秦檜以特進提舉江州太平興國宮連州居住在連館

濯纓堂晴夕登列秀亭又為書院於嘉魚坊其題列秀亭石
云廣漢清河郡張浚紹興丙寅秋被命謫居陽山姪杵男棡

侍行重陽前六日抵郡境授館濯纓堂因時夕必登列秀亭
周覽風物少釋懷親之思眉山史堯弼自星沙偕來表弟臨
邛計孝俾以秦國意繼至省問丁卯寒食日題從居者八人
僧慧廣使臣楊安王實黃資何遵密院知客王端親隨賈似
頭陀光衡又書有列秀石三大字今無存 宣公在連題詠
甚多湟川八詠猶載於志城西大雲洞石壁有游朴重鐫公
詩今亦不可問矣又龍津門東有養源堂資深齋州人陳宗
謬讀書處陽春門外致一堂歐陽獻可讀書處致一堂魏公
所名也宣公並有賦詠附錄於此致一堂云四瀆滙大海萬
轍歸一途六經在天下屹爲眾說郭諸子紛異同頗類齊門
竽止可守偏見豈能反三隅西風吹游埃吾道將何如歐君
好古學有似齊魯儒藏書五千卷窮年與之娛作堂巾山下

桂樹高扶疎人言君學古嗜好與世殊甯知簡編樂遠勝名
利區我昔與君遊折簡屢相呼清談作竟日有酒時能麴勝
事猶未忘回首歲月徂去年驅車來不憚道里迂作書邀我
詩恐爲茲堂汗我言浪自多君聽當盧胡盛欲與君語路遠
徒嗟吁知君學已明可與毛鄭徒但當致其一勿爲眾說淪
養源堂云遙峯插天嘉木樛蒼崖欲洌溪南流高人結茆會
幽興短籬疎竹寒颼颼春風熙熙桃杏紅秋月耿耿浮長空
角巾隱几味真趣浩蕩澄波方寸中我來翹首望九疑暝烟
深處碧雲垂客情已著歸舟去搯筇凝立歎清斯
劉燧叔題名云用齋劉燧叔淳祐壬寅中秋日攜家來遊按
燧叔時爲州守

朱詵題名云郡守朱詵淳祐庚戌五月十日挈家來遊磨崖

以紀歲月

翁繇題名云郡學官蒲陽翁繇萬安羅彥洪建安吳恭慨前代十二亭臺荒頽乃重刊圖記於泮宮暇日遊覽尋古跡質實之因磨崖以記有俟夫後之能興者正統甲子至日書按繇字宏潤正統庚申以舉人署連州學正事學優教肅出其門者多所成立所刻有太極圖濂溪八先生像南軒八景詩泮宮池燕喜亭釋奠儀式等圖

北山寺觀瀾亭石刻

北山寺在燕喜亭北王宏中所創後亭曰觀瀾前曰流杯觀瀾亭即天澤亭流杯亭即勿幕亭也天澤亭唐人舊址勿幕亭宋紹興時所立觀瀾之下架石爲橋泉出橋東萍藻清澈舊有唐人刻天澤泉字今不復見石上鐫崔公泉三字字徑數寸不知何人之筆

泉自此潑折而下直至流杯亭西水聲既清泉味亦冽亭後一石上鐫詩一首後題同野雲再至竹塘不著名氏寺門一石上鐫閩中崔世召觀瀾亭新成小集槎字韻七律世召字徵仲甯德人萬曆己酉舉人知連州有秋谷集嘗以峻拒魏璫祠頌德詩被逮者也

大雲洞諸刻

杜并題名云元豐元年戊午秋七月辛丑太守杜公并觀稼西郊因招番禺令李勃曲江椽劉經臣遊大雲洞石室遂作樂宴於覽翠亭凡二十刻乃泛舟南下終飲於棲巖院幕下鄭觀輔行謹勒諸巖壁以記其盛云耳

何坦題名云郡守何坦就持憲節將行拉提幹楊保中簽判謝休復新簽判梁价教授曹靖推官鄭澗知錄李撰桂陽令

陳汲同遊大雲巖嘉定癸未九秋既望後一日謹誌於石
劉燧叔七言律詩一首題云清祐壬寅中秋後用齋劉燧叔
攜家重遊因紀於石按詩內有句云長哦賓客珠璣句是其
時尚有劉夢得題刻在也

案王象之碑目有刺史蔣防所立梁廖冲飛昇碑復齋碑錄
云廖先生碑爲連州刺史蔣珍立而放生池銘乃蔣防立耳
又碑目有元和十一年劉禹錫廳壁記今皆不存

周子巾山刻字

連山東三里巾山一名翠巾峯周子爲廣東提刑遊此刻廉
泉之源四字於石壁字長寬各二尺按山陽度正作周子年
表云熙甯元年以呂文獻薦擢廣南東路轉運判官三年轉
虞部郎中提點廣南東路刑獄四年辛亥正月赴廣南任是

年八月改知南康軍此字當刻於是時

張本中聖傳頌

陽山縣北賢令山之背石崖山上有石壁高二丈廣四丈西
向中刻皇宋聖傳頌詩並序字方廣五寸凡二十八行行十
八字其辭曰父有天下而以傳之子蓋古今之至情志在斯
民而不私其身實帝王之盛德相承一道惠顧萬邦恭維今
我至尊壽皇聖帝與向我光堯聖壽太上皇帝宅至尊之尊
爲眾父之父兼父子君臣之美如天地陰陽之行舒卷以時
進退皆正以是傳孫傳子使之宜君宜王雖居萬乘崇高之
中常有一人覆存其上如臨父母而作君師況聖明天縱蚤
已夙成道德日新克勤無逸是則天下豈有失事臣民孰不
盡情一毫無差萬世永賴行之永永惠我元元傳家國以無

窮與乾坤而共久生民未有億兆均懽敬拜頌詩仰昭天德
 聖明世世開皇極父祖時時詔子孫雖處君師心益小如臨
 父母敬常存無輕人事知民重常體天心見道尊共仰照臨
 如日月永無息壤似乾坤有生悉在光明地何物能酬覆載
 恩敬願兩宮千萬壽流傳億代福黎元庚戌紹熙元年春壬
 正月十有五日庚午迪功郎連州陽山縣令主管勸農公事
 臣張本中敬賦並書後題云其崖在縣之北相去三里大峯
 之巔東麓之址絕高且大如屏如砥怪石傍擁翠巒環峙內
 則平阪石泉流水路僻雲深天藏地闕聖德著臨光垂萬祀
 臣本中重識字古勁道秀粵中宋刻當以此為最

韓文公書千巖表字

千巖表三字正書大逕尺外在賢令山讀書臺前石峯上相

傳為公書旁有銘云萬石之中巍然雄尊與歲寒君心契無
 言舊志云稱歲寒君者山多松柏故也

讀書臺刻字

韓文公讀書臺在陽山縣北二里賢令山上有明萬曆甲午
 知陽山縣賴一鯉刻韓文公讀書處六字又刻明成化十八
 年詩一宏治庚戌詩二正德丙寅詩一其詩皆不足存

朝陽洞刻字

亦在賢令山上有朝陽洞三字逕五寸許明萬曆乙卯冬邑
 令雲間馮大受書並有大受題詩詩前有朝陽洞通游息洞
 七字

韓公釣磯字

明萬曆二十年知陽山縣吳楚材得釣磯於溪中與教諭馮

名望訓導區肇龍典史張一德移置溪岸之上石磯長四尺五寸闊一尺餘高二尺五寸上題曰上遊仙蹟旁刻曰簿尉莆田邱熹令永嘉鄭伯謙嘉定改元仲春始作亭於磯上又有楚材及名望等題名又有土孫甫次韓公縣齋讀書韻詩今磯浸於水中其字不可問矣臺上有碑刻韓公釣磯四大字萬曆三十六年南韶兵備道布政使司右參議長州吳安國書

南雄州

祭器識

南雄府學大銅香爐一陰款亞中大夫南雄路總管府達魯花赤兼管內勸農事密吏奢提調儒學鑄造以供先聖祭祀至正乙未年孟夏吉旦誌

案王象之輿地碑目云張九齡開大庾嶺記在大庾嶺上又修路銘唐給事中蘇誥撰又修大庾嶺表廣南東路蔡机奏阮志金石畧云机當爲抗之誤蔡抗仁宗朝歷廣東轉運使見宋史蔡挺傳史又有蔡抗在理宗時西山先生之子未嘗官廣東錢大昕養新錄謂石刻題名作抗則非此奏修大庾嶺路之人也今皆不存

嘉應州

陸張學記碑

嘉應在宋爲梅州王象之碑目所載周必大續學記今不存惟明宏治十一年春二月程鄉知縣平湖陸張所立學記一碑陳白沙撰王栩書

興甯縣元妙觀鐘識

鐘今在縣學識云循州興甯縣元妙觀募緣鑄造洪鐘一口永充供養仰祈景福保庇鄉井咸安官民同樂延祐二年乙

卯月日題

案王象之碑目云興甯縣學二字乃曲江公書摸自博羅有年矣此固不可考而祝枝山字興甯時所為邑人羅孟郊墨池銘今亦竟無知者

欽州

案王象之碑目欽州碑記條下云州城外半里烏雷廟自唐以來所有碑記今猶存又有南軒張栻所撰州學記今皆不可問矣

銅鼓考附

裴淵廣州記豪富女子以金銀為大釵執以叩銅鼓號為銅鼓

釵太平御覽

蠻人攻伐時則聲銅鼓至者如雲晉書

銅鼓鑄銅為之虛其一面覆而擊其上南夷扶南天竺類皆知

此嶺南豪家則有之大者廣丈餘通典

銅鼓始於漢余嘗見陸游務觀筆記有云予初見梁歐陽頲傳稱頲在嶺南多致銅鼓獻奉珍異又云銅鼓累代所無及予宣司見西南夷銅鼓頗精秘閣下古器庫亦有二枚此鼓乃南蠻用之不足辱秘府之藏然自梁時已珍貴之如此不知何理也如上皆陸放翁之筆第余嘗觀東漢書馬伏波傳云援征交趾得駱越銅鼓改鑄馬式上之詔置宣德殿門則銅鼓已見後漢傳非異書也陸氏謂梁方珍貴已失之矣而歐陽生自梁距漢世未甚遠而謂累代所無尤可訝焉學齋佔畢考古錄昔馬伏波征南以山溪易雨因製銅鼓粵人亦設雷廉至交趾濱海卑溼革鼓多痺緩不鳴無以振威故伏波始製

銅為之狀亦類鼓名曰駱越鼓

嶺海名勝記

銅鼓皆伏波瘞以鎮蠻每遇風雨輒有聲循其聲之所出往往

掘得銅鼓故廉州有銅鼓塘欽州有銅鼓村靈山有銅鼓嶺

文昌萬州亦有銅鼓嶺皆以掘得銅鼓而名

郡志

銅鼓南海東西廟皆有之東廟者徑至五尺五寸高有其半俗

謂洪聖王舊物蔡如松作懷古詩嘗辨之云銅鼓之說出於

隋書南夷傳夷人酋長好鑄銅鼓有事擊鼓夷人盡集女子

首飾盡戴銅釵取釵擊鼓蔡之說止於此殊不知虞喜志林

已載建武二十四年南郡男子獻銅鼓有銘又後漢書馬援

好騎射善別名馬征交阯得駱越銅鼓乃鑄為馬式以進則

知銅鼓在後漢光武時已為希得所以有南郡之獻非止見

於隋時也今廟中之鼓自唐以來有之番禺志已載其制度

凡春秋享祀必雜眾樂擊之以侑神府之武庫亦有其二其

一蓋唐僖宗朝鄭續鎮番禺日高州太守林霽所獻初因鄉

野小兒見鳴蛙之怪遂得於蠻酋大塚中事見嶺表錄異在

唐時既能為怪則至今不知其幾百年物矣鼓形如腰鼓而

一頭有面製作精巧所謂銘志絕無有也只周遭多鑄蝦蟇

兩兩相對不知其何意

南海百詠

南海廟中銅鼓大小各一大者徑五尺高稱之中空無底釵垂

四懸腰束而臍隆起旁有兩耳通體作絡索連錢及水激紋

色微青艷若鋪翠光景晶瑩邊際舊有六龍今不存小者殺

大者五之一高稍亞之製類大者其四角舊有金蝦蟇五為

番人所竊色純綠作鷓鴣班斜紋纖麗隱若八卦

郡志

南海廟中銅鼓大者相傳自海中浮至明嘉靖間海盜會一本

謀移去鐵索忽斷不可舉乃已小者相傳得之潯州銅鼓灘
灘水湍急春石底作銅鼓聲入夜輒有光怪一日水涸銅鼓
出焉相傳其鳴應潮自遭盜劫靈龜殘缺遂不復自鳴又傳
銅鼓之大者舊雌雄各一今廟中所存者雄也其雌向遇風
雷飛入獅子海中今雄鳴則其雌者輒相應二月十三日海
神壽辰粵人擊之以娛神其音闐鞀鏗鏘若行雷隱隱鼓或
以革掩底或積水甕中蓋而擊之聲聞十餘里外叩鼃蛤其
聲益遠同上

萬厯間茂名縣溪水陡發湧出銅鼓徑三尺高二尺有奇面列
鼃蛤六徧體作細篆文有硃砂積翠蝸蝕之孔凡十餘同上

舊志雷州府山谷間嘗得銅鼓款制奇古各置祠廟中皇慶間
郡人復得一於英山高二尺有四寸徑四尺餘精巧完全視

前後得者特異本道令置諸天甯禪刹今不存黃志

英靈岡雷廟有銅鼓二其色如大鑪圍徑五尺許高亦如之在
左者面邊蝟六右者蝟五其旁皆有兩耳每耳又分而二之
耳下有一獸首反俯下足尾入於郭左者土花剝蝕右者質
理瑩然如碧玉其面稍廉中心稍拱而平其暈有十二圈暈
各一聲暈中夾平綈如波紋兩圈作連錢文旁紋人字如堯
簞其綈作雷紋斜方斗紋色翠綠微骨有一綫丹氣午後乘
陰蒼潤欲滴午前象褐色稍淡蝕處如蝸篆郝志

永樂中萬州土官王惠起黎兵挖引多輝溪水得一鼓長三尺
面圍五尺凸二寸許沿邊皆蝌蚪各銜線抵臍束腰彘尾若
今之杖鼓擊之聲如鵝鸛聞數十里凡鼓形聲未有如其怪
遠者瓊州府志

羅定州城隍廟有銅鼓高二尺五寸徑二尺凡州人爭訟不平及被讎求雪者擊之則咎有攸歸無事而擊則殃擊者志

韶州鐵鼓附

韶州忠惠公祠有鐵鼓一面微損擊之有聲先時江中有一蛟舟行者多為所害公以鐵為鼓及船使役人乘之一日夜來往五羊得蛟斬之至今蛟骨二段存祠中粵東筆記

廉州銅柱附

漢伏波將軍馬援既平交阯立此以表漢界在州治東貼浪都古森洞上後有銘云銅柱折交阯滅交人懼常加以石培之

黃志

馬總在南海累年清廉不撓夷獠便之於漢所立銅柱之處以銅一千五百斤特鑄二柱刻書唐德以繼伏波之跡舊唐書馬總傳

廣州鐵柱附

鐵柱凡十二南漢為乾和殿鑄者宋柯述取其四植於帥府正廳一沒於城東濠一沒於直司泥淖中餘莫知所在黃志
詩崔嵬十二峙乾和五柱何如馬伏波敗壘類垣今日見想會荆棘漢銅駝又張以甯詞廣州省治南漢主劉鋹故宮鐵鑄四柱猶存周覽歎息之餘夜泊三江口夢中作一詞覺而忘之但記二句云千古興亡多少恨總付潮回去因繫括為明月生南浦一闌云海角亭前秋草路榕葉風清吹散蠻煙霧一笑英雄曾割據痴兒却被潘郎誤寶氣消沉無覓處蘇暈猶殘鐵鑄遺宮柱千古興亡知幾度海門依舊潮來去

九曜石考附

九曜石在西城內城有湖長百餘丈水凝綠列石嵌奇突兀類太湖靈壁者九南漢劉氏集方士煉丹處吳萊南海古蹟記
藥洲在古甕城西劉龔鑿長湖五百餘丈以眾方士煉藥於此水中有九曜石皆罰罪人移自太湖及三江所產者郡志引

梁江淹賦東南嶠外爰有九石之山相番禺之廣渚簇丹山之喬峯疑南朝已前卽有此石而龔特擬之耳今南海縣西樵山亦有九曜巖是時縣未置尚屬番禺淹之賦或指此

曹學

南漢乾亨八年作南宮王定保獻南宮七奇賦以美之宮今在

仙湖白蓮池其前爲藥洲吳任臣十國春秋注

西湖亦曰仙湖在古甕城西僞南漢劉龔所鑿也其水北接文

溪東連沙澳與藥洲爲一歲久淤塞宋經略陳峴疏濬之輦

龔故苑奇石置其旁多植白蓮因易名白蓮池而湖亡其東

偏今有仙湖里遺焉廣東新語按劉龔本亦名龔今兩存之

九曜石在藥洲旁南漢主劉龔使罪人移自太湖靈壁浮海而

至者石凡九高八九尺或丈餘嵌崿崒兀翠潤玲瓏望之若

崩雲旣墮復屹上多宋人銘刻一石上有掌跡長尺二寸旁

有米元章詩一石白色中空一圓石爲頂若牛頭大可五尺

身中直通至頂四旁有十餘竇相穿有刻云花藥氛氳海上

洲水中雲影帶沙流直應路與銀潢接槎客時來犯斗牛一

石通身有小孔如水泡沫一石獨大合三石爲之下有數萌

長三尺許瑳如雪父老云向未經見此客石也久而生尊豈

地之靈使然耶然今亦摧折矣廣東新語

九曜坊學政衙門地舊名藥洲一名石洲其東近古甕城志載

劉龔時鑿湖五百餘丈聚方士煉藥於此洲以是名但宋許

彥先詩有花藥氛氳海上洲之句恐是曾栽紅藥故云藥洲

水中有九曜石云皆罰罪人移自太湖及三江所產者余巡

試南韶高雷英德曲江及陽春亦有類此石者太湖途遠安

廣東通志卷三十四
得至此恐屬訛傳宋熙甯元豐間士大夫官斯地者元夕上
已往往泛舟觴咏或徙此避暑刻姓名年月於石歲久湖堙
至嘉定元年經略陳峴疏鑿之輦石爲山建堂其中後有白
蓮池池建奉真觀以祀五仙湖接東澳之流爲女溪明洪武
三年以奉真觀址爲市舶公館改祀五仙於坡山宣德三年
洲西建濂溪書院即奉真觀舊址屋凡數十楹先是周濂溪
先生提刑廣東又有云曾爲廣東運判粵人思之建書院於
春風橋北以祀先生元季燬至明宣德始改建於藥洲正統
二年初設提學校官副使林挺玉建崇正書院於此地重修
濂溪書院少保南郡楊先生爲之記今其文已無可攷崇正
書院濂溪書院是一是二均無可稽天順癸未提學僉事新
喻胡榮卽祠後演極堂召諸生講論厭市喧密邇巡按御史

涂伯輔至粵命工取蟻殼砌塘圍池四岸北立愛蓮亭成化
辛卯按察使祁陽甯良月朔謁祠乃疏淤流移亭池中傍植
蓮數百書愛蓮說揭於楣僉事胡榮爲之記其文刻池東大
石上書法亦工又攷志云成化四年參政張瓚建光霽亭後
改曰愛蓮宏治十五年番禺知縣趙繼宗擴光霽亭爲講堂
合之胡榮所記互相矛盾夫愛蓮亭名旣改於成化四年之
後而胡榮記中所稱明年北立愛蓮亭乃天順甲申年事大
約志書訛舛相襲而提學胡榮目擊手撰其言較真或在天
順前稱光霽亭後改爲愛蓮亭志書錯誤亦猶奉真觀已改
市舶公館後又改爲濂溪書院仍稱奉真觀舊址也嘉靖元
年遷濂溪書院於粵秀山下改爲提學道署此學署所由始
歷明隆慶萬曆天啟崇禎至 國初俱從此考試緣平藩駐

劉遷於番禺之育賢坊康熙二十二年平藩已廢各衙門盡還舊署而學署修理乏貲方興旋罷余蒞事捐俸給發侵地庀材鳩工先構大堂拱棚次構東廳穿堂書室東西文場建寅賓館土地祠徘徊舊跡嘆息良久因思昔人遊覽勝地先賢靈爽式憑顧令奇石雜入瓦礫清泉污以洩渤可乎乃刻期疏池扶石築亭於中額之曰拜石更洗出石上所刻詩文摹搨抄錄池中已栽植蓮花奈時已及秋不能多種池左右前後地基尚寬他日或於南建愛蓮亭於北建演極堂於東建光霽亭於西建講堂以復昔人之舊則以俟之君子張明先學署考古記

九曜石學署僅有其八其一在藩署二堂東院中以甄砌臺貯之石高三尺許上刻藥洲二字左行書米芾元章題其旁有題詞漫漶不可識此當移歸學署惜無有好事者廣州府志

則有昌華芳華甘泉望春飛橋跨沼崇桃映津泛杯濯足翼翼鱗鱗導彼北川迄於西城層軒疊閣建鼓揚舫招羽人於藥洲陳不死之丹經黃佐粵會賦

寄題田侍制廣州西園詩善政偏修舉增完池館清地含春氣庭際羅立舊早月映暮潮生石有羣星象名九曜石花多外國名異花皆舶上所來嶺與民同雉免邀客醉蓬瀛翰墨資吟興雲泉適野情鎮應持左蟹快欲鱸長鯨積霽藏樓閣馴鷗識旆旌甘棠留美蔭高倚越王城余襄公武溪集石上名人題刻

金君卿題名云轉運使度支郎中金君卿正叔轉運判官太子中舍許彥先覺之管句文字殿中丞金材拙翁門人成度

公適熙甯癸丑中伏泛舟避暑此段在池西北大石之中按
彥先始與人天聖乙丑進士深於易

許彥先詩云花藥氤氳海上洲水中雲影帶沙流直應路與
銀潢接槎客時來犯斗牛熙甯甲寅上巳未題云彥先再遊
移穠稔穠穠侍此段在池西北大石之左

會布題名云廣東經略安撫使起居舍人龍圖閣字制會
布子宣轉運使都官外字一缺向宗旦公美轉運副使屯田外

郎字一缺通道濟前廣西轉運判官太常字一缺賡聲叔元豐元
年正月晦日遊此段在池西北大石之右阮志金石畧云曾
年大旱詔求直言布論市易割克之虐王安石怒黜知歸州
從漳州復集賢院學士知廣州元豐初以龍圖閣待制知桂
州據此則石刻制上
關字當為待字也
程師孟題名云程師孟金君卿李宗儀許彥先同遊藥洲熙

甯甲寅上元日題在池西北大石右之右按程師孟字公闢
吳人卽王荆公詩所稱豫章太守吳郡郎者也初自福州移
知廣州又以右諫議大夫再任史稱其在廣六年作西城交
阨陷邕管聞廣守備因不敢東爲政簡而嚴所部肅然粵人
爲立生祠 案廣東通志載程師孟詩云何年移巨石終日
壓寒泉不逐千秋改長如九曜連森然禹州牧儼若舜官聯
春浴多沂水霄占盛穎川舟疑槎汎到橋訝鵲飛填暗向吹
笳後明於秉燭邊風濤撼莫轉霜霰蝕難穿可繼元章嗜無
由靖節眠廢興時自異終羨爾長年詩之工拙且勿論卽以
程公闢九曜石題名是熙甯七年甲寅已在米題元祐元年
丙寅之前十二年矣且米卒於大觀二年罷知淮陽軍之後
時年四十九而程公闢以熙甯四年知廣州史載其在廣六

年則程題石之時米纔十五歲安得程詩內引元章為故實
平志書之訛類如此

呂少衛等題名云呂少衛方夷吾南容蘇少連會飯藥洲泛
舟觀九曜石紹興壬申二月二十有二日此在拜石左下之
第一段

張釜題名云慶元乙卯季冬十有三日同提點刑獄趙希仁
山甫轉運判官徐柟志蘇提舉常平劉俛碩翁提舉市舶唐
卿公佐泛舟小酌其下惜題識之湮滅悲歲月之不留弔古
感今三歎而返經略張釜君量題此在拜石右下之第二段
按趙希仁嘉泰三年任轉運判官徐柟慶元元年任轉運使
劉俛慶元二年任轉運使又任提舉常平唐卿嘉泰四年任轉
運副使慶元二年任提舉常平又以淳熙五年提舉市舶張

釜紹興五年知廣州

藥洲二字米芾元章題在布政司解後堂東

時仲題名云時仲公誦積中同遊元祐丙寅季春初八日題
在布政司解後堂東與米元章題藥洲二字共一石石高三
尺許按廣東新語云掌跡一石旁
有米元章詩今不可尋矣

虞夏書五經卷三十四
子



